


PL
2732
U237A17
1775
V.1



吳詩集覽卷七上

黎城靳榮藩介人輯



七言古詩四之上

曇陽觀訪文學博介石兼讀蒼雪師舊跡有感

野獲

編王太倉以侍郎忤江陵子告歸其仲女曇陽
子者得道化去又初曇陽化去弇州與相公俱
人道退居曇陽觀中屏輦血斷筆硯與家庭絕
綢村文先生六十壽序滇南文先生以計偕入
太學崇禎十六年天子命爲婁人師學博蒼雪
并見卷一鎮洋縣志文祖堯字心傳號介石呈
貢人以明經授名山訓導崇禎癸未升太倉學
正鼎革後棄官寓州僧寺間以青鳥術自給人
皆知滇南先生爲古君子久之
南歸道卒門人私謚貞道先生

南轅嶺卒門人吳嶺貞嶺次主
省喉嶺南次主為古岳千八之

五鼎革嶺棄官寓州曾去間以青鳥游自餘人
貢人以肥到嶺各山隨嶺崇嶺癸未長太舍學
并見卷一嶺羊線志文脈表字心軒嶺介百呈
太學崇嶺十六羊天千命為婁人嶺學軒養雲
蘇林文表主六十壽嶺嶺南文表主以信韻人
入嶺嶺嶺嶺嶺嶺中嶺嶺嶺嶺嶺嶺嶺嶺嶺嶺嶺嶺
千昔嶺嶺嶺嶺嶺嶺嶺嶺嶺嶺嶺嶺嶺嶺嶺嶺嶺嶺
嶺王太舍以嶺嶺嶺嶺嶺嶺嶺嶺嶺嶺嶺嶺嶺嶺嶺


嶺嶺嶺嶺嶺嶺嶺嶺嶺嶺嶺嶺嶺嶺嶺嶺嶺嶺嶺嶺嶺
嶺嶺嶺嶺嶺嶺嶺嶺嶺嶺嶺嶺嶺嶺嶺嶺嶺嶺嶺嶺嶺

小言古藉四之十一

蔡姓陳榮蓄介人韓

吳郡集卷之十一





敬難所聖時不我與而愈難白世謂之曰白柳祠集
 志大鄭所并缺謝爾非此出也蕃廳書繫步志
 辭也非史婁司對文父收請式只收也
 對養雲南來集萬書藝文志也夫千不以空言錯
 主壽司養公昔與人出吳之申利以制幾重東南昔也
 四出照出養書大鄭何知是則中制知空郭也○文武
 收武請收騎大鄭何鄭武白呈一林柳栗對中制
 曲羅小繼絲具肥水只韻養雲南來道昔為養公信錄
 並戰繼小貝茲何省齋李詩
 平造蜜豐山趙聯製夢中寒萬里孟趙艾荷薰蕭韻
 縣立對士書人但遂一人立對室四半正對無官豈尚
 立對士二人但遂二人中縣立對士一人但遂二人可
 恭憐國數學奏龍帥大縣立對士二人但遂四人必縣
 縣小繼絲具肥水目○珠趙白應廣髮垂歐耳高
 武發介百結步繼小繼絲具肥水
 夫坐顛白髮垂耳對士無官寒萬里韜術票零並署雲

先生頭白髮垂耳博士無官家萬里講席漂零笠澤雲

鄉心斷絕昆明水

先從介石說起鄉心斷絕是通篇眼目○杜詩白頭亂髮垂過耳高伯

恭郡國建學表

請制大郡立博士二人助教四人

立博士二人助教二人中郡立博士一人助教二人下

郡立博士一人助教一人左傳定四年五叔無官豈尚

年哉崔禮仙詩蝴蝶夢中家萬里孟詩芟荷薰講席

笠澤鄉心見送何省齋

李詩

南來道者爲蒼公說經

曲罷心斷絕昆明水見贈蒼雪

如虎詩如龍大渡河頭洗白足一枝榔栗棲中峰

柳音

四句點出蒼雪大渡河映昆明中峰映笠澤也○文先

生壽序蒼公者滇人住吳之中峰以佛教重東南者也

按蒼雪有南來集

漢書藝文志明夫子不以空言說

經也北史婁后傳汝父如龍汝兄如虎

天清一統

志大渡河在越嶲衛北源出吐蕃魏書釋老志沙門惠

始雖泥塵初不汙足色愈鮮白世號之曰白脚師集

韻榔栗木名可為杖質
閬仙詩手中榔栗麤

與君相見晝然笑

晝應作晝

石床對

語羈愁空故園西境接身毒雪山照耀流沙通神僧大

儒却並出雕題久矣漸華風

六句介石蒼雪合說○晝然見再觀打水詞王詩

雨花應共石床平

孟詩旅館益羈愁

身毒見行路難

希通錄

雪山祁連山白山其實天山

潘安仁籍田賦

金根照耀以炯晃兮流沙見龍腹竹歌

傅汝礪詩每

說神僧飛杖錫大儒見壽王鑑明

後漢書南蠻傳禮

記稱南方曰蠻雕題交趾注題額也雕之為刻其肌以

丹青涅也書東漸于海廣韻漸流入也魏書胡叟傳凉

州雖地居戎域然自

張氏以來號有華風

嗚呼銅鼓鳴莊躋起青草湖邊築

營壘金馬碧雞悵已矣人言堯幽囚或言舜野死目斷

蒼梧淚不止

此段言陵谷變遷昆明非昔也將明末諸稱監國者包羅其中○銅鼓見送志衍入

蜀

莊躋見哭志衍

〔一統志〕青草湖在岳州府巴陵

縣西南湘水所匯爲洞庭之南浹後漢書公孫瓚傳乃

盛修營壘

金馬碧雞見洗象圖陳伯玉詩霸圖悵已

矣

〔史記正義〕

括地志云故堯城在濮州鄆城縣東北

十五里竹書云昔堯德衰爲舜所囚也

〔國語〕舜勤民

事而野死季詩或言堯囚舜野死雲南通志順治九年

由榔奔廣南孫可望安置于安籠所相待無人臣禮僞

知府范應旭署其簿曰皇帝一員后妃幾名口支糧石

干目斷見送施愚山禮舜葬

吾州城南祠仙子窈窕

於蒼梧之野曹詩淚墮不能止

吾州城南祠仙子窈窕

丹青映圖史玉棺上天人不見遺骨千年蛻于此先生

結茅居其旁歸不歸兮思故鄉盡道長沙軍已得滇池

王伏波南下開夜郎烏爨孤城猶屈彊

屈渠勿切

青鈴

絕塞終微茫

前六句說介石居曇陽觀後五句足銅鼓
鳴一段意○季詩伯陽仙家子程迓亭曰

曇陽觀祠曇陽子王相國錫爵女名守貞〔杜詩〕窈窕

丹青戶牖空圖史見六真歌

玉棺見讚佛詩上天出

史記封禪書

〔阮嗣宗大人先生傳〕禽生而獸死埋形

而遺骨事文類聚武夷山石壁上有室曰昇真洞洞中

神仙蛻骨莫計其數

〔鮑詩〕結茅野中宿〔文先生壽序〕

廼卽城南精藍中置木榻命一童子支鬲爨

〔楚辭〕王

孫遊兮不歸古詩思念故鄉

長沙見贈吳雪航

〔一

統志〕滇池故城在晉寧州東馬孝升曰是時洪承疇由

長沙入雲貴由榔遁入緬甸爲緬人獻出

伏波見茸

城行漢書西南夷傳西夷君長以什數夜郎最大鳥

爨見題洗象圖孤城見哭志衍屈彊見龍腹竹歌

〔漢

書地理志〕越嶲郡青蛉

〔大清一統志〕青蛉廢縣今

姚安府大姚縣治絕塞見雁門

尚書行〔陳伯玉詩〕高邱正微茫

忽得山中書蒼公早化

去支遁經臺樹隕花文翁書屋風飄絮噫嘻乎悲哉香

象歸何處杜宇啼偏哀月明夢落桄榔臺丈夫行年已

七十天涯戎馬知何日點蒼青洱海白道路雖開亦無

及

此兩段言蒼雪已沒介石無歸也或雙舉或單言波瀾回複○山中書見送何省齋

君病死天子以爲化去不死也

史記武帝紀李少

遁字道林天竺沙門嘗從金陵乘船至姑蘇訪瞿硎先

生於梅里清夜露坐論道見東南一舍外有氣五色詰

旦於南沙盡界斲地得石函函啟二龜化鳳翔逝遁因

卓錫開山咸和六年賜名法輪寺鄭守愚詩穿樹墮花

隨文翁見閬州行此借用書屋見題志衍畫顧垂象

詩長堤未見風飄絮噫嘻乎悲哉見退谷歌香象

見洗象圖禽經江介曰子規蜀右曰杜宇成都記望

帝化爲鳥名曰杜鵑亦曰子規枕椰見哭志衍臺未

詳莊子蓬伯玉行年五十而知四十九年之非天

涯見送何省齋戎馬見題志衍畫點蒼

洱海見贈蒼雪注杜詩驂騑開道路

陸翼王送文介石學博歸滇南詩滇客頻年賦式微

今朝纔見理征衣三江日月孤臣老六詔風烟萬里

歸山過碧雞多戍鼓星窮朱鳥近親聞好音爲寄東
來驛莫道南天少雁飛黃子羽贈文介石廣文詩
自古恩深責亦深更誰清夜細追尋官階最是青氈
冷十載猶懸故主心按漢夜郎故城一統志未詳
但云在貴州西界而載唐之夜郎凡三一在遵義府
桐梓縣東一在遵義府綏陽縣界一在湖廣沅州界
其說與明史土司傳遵義府卽播州秦爲夜郎且蘭
地者迥殊然竹三郎廟在平越府城東十里黔記夜
郎侯以竹爲姓漢武帝元鼎六年平南夷侯迎降賜
以爵後殺之諸蠻求爲立後乃封其二子爲侯立祠
祀之遵義無竹郎祠則夜郎亦在平越
耳又且蘭在平越故從一統志爲允

贈陸生

陸生借用見茸城行袁子才曰陸慶曾字
子元雲間人順治丁酉舉人以科場牽連

得罪戍遼東辛亥以事至京師酒
闌長歌梅村贈詩慷慨泣數行下

陸生得名三十年布衣好客囊無錢尚書墓道千章樹

處士江邨二頃田京華浪跡非長計賣藥求名總游戲

習俗誰容我棄捐才名苦受人招致

起四句叙陸生家世京華四句言陸

生聲望也布衣好客受人招致已引起飛語之由○史

記孟嘗君傳馮驩聞孟嘗君好客賀季直詩囊中自有

錢程迓亭曰尚書墓道謂其祖禮部尚書陸樹聲處

士江村謂機山下平原村爲機雲讀書處皆子元之先

也千章見海戶曲江邨見礬清湖史記蘇秦傳使吾

有洛陽負郭田二頃能佩六國相印乎郭景純詩京

華遊俠窟浪迹見楚兩生序杜詩實籍久長計後漢

書韓康傳採藥名山賣于長安市口不二價有女子從

康買藥康守價不移女子怒曰公是韓伯休耶乃不二

價乎康嘆曰我本避名今女子皆知有我何用藥爲游

戲見讚佛詩漢書楊惲傳豈習俗之移人哉班婕妤

詩棄捐篋笥中才名見送沈繹堂宋史梁師成傳曰

訪儁秀名士必招致古來權要嗜奔走巧借高賢謝多

門下往往遭點污

口古來貧賤難自持一殮誤喪生平守陸生落落直吾

流行年五十今何求好將輕俠藏亡命恥把文章謁貴

游丈夫肯用他途進相逢誤喜知名姓狡獪原來達士

心棲遲不免文人病

權要二句承招致說下貧賤二句承受招致說下落落四句寫出陸

生身分見非奔走喪守者丈夫四句是實寫才名苦受人招致也○宋書張敷傳中書令傅亮貴宿權要奔走

見磬清湖

季詩薄俗棄高賢

盧子行詩輕盈不自

持

漢書梁孝王傳為帝一餐

落落見石公山

顧

硯堂王夏日錄子元家世貴顯年五十餘以貢入京慕之者爭羅致門下王詩七十老翁何所求漢書尹賞

傳交通輕俠藏匿亡命

貴游見遇南庠園叟

宋史

蘇軾傳臣雖無狀不敢自他途以進

相逢見二十五

日詩名姓見送杜敬武

狡獪見退谷歌後

漢書仲長統傳達士拔俗

詩或棲遲偃仰黃金白壁

誰家子見人盡道當如此銅山一旦拉然崩却笑黔婁

此中死嗟君時命劇可憐蜚語牽連竟配邊木葉山頭

悲夜夜春申浦上望年年

黃金四句是反襯陸生時命四句點出陸生被戍也木葉

山指戍所春申浦指故鄉○黃金白璧見行路難誰家

子見臨頓兒

漢書食貨志往往多卽銅山而鑄錢說

文拉推也

黔婁見行路難

時命見讀西臺記

漢

書寶嬰傳

廼有飛語爲惡言聞上

淮南子以摸蘇牽連

物之微妙

韻會配流刑隸也

王夏日錄子元長流尚陽

堡

天清一統志木葉山在外藩蒙古潢河與土河

合處

劉元叔詩夜夜思君遼海北年年棄妾渭橋西

一統志

松江府黃浦江戰國時楚黃歇鑿其旁支流因

稱爲黃浦亦

江花江月歸何處燕子鶯兒等飄絮紅豆

稱春申浦

江花江月歸何處燕子鶯兒等飄絮紅豆

啼殘曲裏聲白楊哭斷齋前樹屈指鄉園荀蕨肥南烹

置酒夢依稀，蓴鱸正美書。堪寄燈火將殘淚，獨揮此八句跟

春申句說下層次咏嘆。○梁簡文帝詩：江花玉而兩相

似。何仲言詩：江月初三五。杜詩：微風燕子斜。金昌緒

詩：打起黃鸝兒，飄絮見贈文學博。紅豆生南國，見琵琶

行注。南史：蕭惠開傳。寺內所住齋前，向種花草甚

美。惠開悉剗除，別種白楊。陸務觀詩：山童新採蕨芽

肥。韓詩：自宜味南京。置酒見永和宮詞。李義山詩：殘

宵猶得夢依稀。蓴鱸見贈馮君不見鴻都買第歸來

訥生註。燈火見塗松晚發。

客駟馬軒車，胡辟易西園。論價喜誰知，東觀掄文矜莫

及。從他羅隱與方干，不比如君行路難。只有一篇思舊

賦，江關蕭瑟幾人看。上四句指黃金白璧一流却另用反襯法，意不犯複。下四句又以文

人不遇者作反襯亦是反覆咏嘆法也。○後漢書崔實

傳：靈帝時開鴻都門榜賣官爵，公卿州郡下至黃綬各

吳詩集卷七上

有差其富者則先入錢貧者到官而後倍輸南史袁憲傳我豈能用錢爲兒買第耶駟馬見閬州行相如車注軒車見送沈繹堂史記項羽紀辟易數里山陽公載記賣官於西園立庫以貯之詳讀史雜詩後漢書安帝紀詔謁者劉珍及五經博士校定東觀五經諸子百家藝術整齊脫誤是正文字說文掄擇也全唐詩話羅隱字昭諫餘杭人隱池之梅根浦方干見讀西臺記方干傳宰臣張文蔚奏文人不第者十五人干預其數追賜及第行路難見行路難子山有思舊銘杜詩庾信平生最蕭瑟暮年詩賦動江關

吾谷行

蘇州府志常熟縣虞山有吳王廟榜曰虞山第一峯又西爲吾谷梅村孫母金孺人

墓誌吾谷乃孫氏之世阡按蘇州府志孫承恩

初名曙字扶桑順治戊戌殿試第一授修撰數

被顧問寵遇日隆從幸南海子賜騎御閑

名馬適大風揚沙中寒疾卒年僅四十弟暘字

赤崖少遊文社名與兄埒順治丁酉舉順天鄉

試科場事發爲人牽連謫戍尚陽堡

聖

祖東巡獻頌萬餘言

召至幄前賦東巡詩

試以書法

上歎惜其才大學士宋德宜

疏薦不果用久之還里所著有蔗菴集今按詩

中一株夭矯云云指扶桑登上第事一株偃蹇

云云指赤崖戌遼陽事便殿含毫指赤崖獻頌

召試之事

此詩當在赤崖獻頌以後歸

里以前蓋喜其得

歸而深為慰藉耳

吾谷千章萬章木插石緣溪秀林麓中有雙株向背生

並幹交柯互蟠曲一株夭矯面東風上拂青雲宿黃鵠

黃鵠引吭鳴一聲響入瑤花飛簌簌

從吾谷樹引出雙株從雙株引出兩

一株而先言其一株之向榮者也兄在長安當指此株

青雲瑤花言扶桑授修撰也○梅村孫母郭孺人壽

序吾谷有喬木千章楓林赭葉

淵明桃花源記緣溪

行禮林麓川澤以時入而不禁

向背見畫蘭曲 庾

詩交柯乍百頭杜篤首陽山賦形勢窟其蟠曲杜詩

海棕一株高入雲沈休文詩天矯乘絳仙字典面向也

史記范睢傳須賈曰賈不意君能自致于青雲之上

黃鵠見畫中九友歌韓詩引吮吐鏗轟張茂先詩

艷質殄瑤花元詩一株偃蹇踞陰崖半死半生遭屈辱

風動落花紅簌簌

雷劈燒痕翠鬣焦雨垂漏滴蒼皮縮泥崩石斷迸枯根

鼠竄蟲芽隱空腹行人過此盡彷徨日暮驅車不能速

此言其一株之憔悴者弟玉闕當指此株偃蹇屈辱

言赤崖被吏議也○偃蹇見龍腹竹歌鮑詩陰崖積夏

雪毛發龍門之桐其根半死半生唐宣宗咏雷詩

只解劈牛兼劈樹劉文房詩春入燒痕青崔夢之詩翠

鬣紅毛舞夕暉杜詩黑入太陰雷雨垂曹夢徵詩掃

庭秋漏滴蒼皮見松鼠鮑詩蘭焚石既斷蘇子由詩

枯根再生於時雨鼠竄見松鼠注子山枯樹賦鳥剝

蟲穿空腹見松鼠補注莊子彷徨乎無爲其側史

記伍子胥傳日暮途遠驅車見下相懷古前山路轉相公墳宰木參差亂入

雲枝上子規啼碧血道旁少婦泣羅裙羅裙碧血招魂

哭寡鵠羈雌不忍聞同伴幾家逢下淚羨他夫壻尚從

軍程迓亭曰昭文縣志吾谷宰樹四合綠陰寒夏丹楓染秋里許至高道山居山居之西一里抵錦峯嚴相

公祠嚴相公者嘉靖大學士嚴訥也王夏日錄嚴貽吉字子六相公裔孫癸未進士官給諫爲科場居間事發

腰斬籍沒子妻妾俱流尚陽堡此段俱咏此事按夫

婿從軍引起赤崖之戍蓋此詩本爲赤崖作耳○范致

能詩松林斷處前山缺歐陽永叔醉翁亭記峰回路轉

明史嚴訥傳字敏卿長熟人嘉靖四十四年兼武英殿

大學士入參機務蘇州府志嚴文靖公訥祖墓在錦峯

之麓訥曾祖呂祖衡皆贈大學士父恪封大學士並葬

此公羊傳秦伯怒曰若爾之年者宰上之木拱矣注

宰豕也陸務觀詞烟樹參差認武昌杜詩半入江風半

入雲

子規詳寄周芮公注碧血見青門曲

漢書黃

霸傳

食於道旁少婦見送龔孝升劉孝綽詩大婦縫羅

裙

招魂楚辭篇名

寡鵠見雁門尚書行謝靈運詩

羈雌

戀舊侶迷鳥懷故林

同伴見玉京彈琴歌李詩

平生不下淚

夫婿見

可憐吾谷天邊樹猶有相逢斷

青門曲從軍見行路難

可憐吾谷天邊樹猶有相逢斷

腸處得免倉黃剪伐愁敢辭漂泊風霜懼木葉山頭雪

正飛行人十月遼陽戍兄在長安弟玉關摘葉攀條不

能去

此言赤崖初戍遼陽之事蓋其時扶桑尚在長安也○何仲言詩天邊看遠樹胡笳十八拍空窗

腸兮思惜惜

倉黃見遼亂剪伐見磬清湖

飄泊見

遼亂支道林詩玉質凌風霜

木葉山見贈陸生

沈

雲卿詩

九月寒砧催木葉十年征戍憶遼陽

玉關見

行路難

謝靈運詩攀林摘葉卷舌詩攀條折其榮

昨宵有客大都來傳道

君王幸漸臺便殿含毫題詔

溼閣門走馬報花開宮槐聽取從官詠御柳催成應制

才此言赤崖獻頌之事○大都見海戶曲三輔黃圖

陸士衡文賦或含毫而邈然漢制考左掖門曰東上

閣門右掖門曰西上閣門宮槐見永和宮詞更記武

帝紀從官在山下聞若有言萬歲云杜詩樓前御柳

長季義山詩書被催成墨未濃漢書高帝紀注天子之

言曰制我隋以前詩多定有春風到吾谷故園不用憂

日應詔唐以後曰應制

樵牧雖遇彫枯墜葉黃此言

恩旨為赤崖冀幸之也○樵牧見西田詩左太

冲詩咄嗟復彫枯顏清臣詩墜葉占風音丘希範詩檐

際落葉黃周伯

琦詩柯葉日滋茂由來榮落總何常莫向千門羨棟梁

君不見庾信傷心枯樹賦總吟風月是他鄉此總收全篇之意又

以扶桑反襯赤崖兼因赤崖不果用故云莫向千門羨
棟梁而以子山之不歸故鄉爲赤崖慰藉之慶幸之也
○百詩榮落同一晨班孟堅西都賦張千門而立萬
戶後漢書陳述傳公爲國棟梁北史庾信傳字子山
南陽新野人倪魯王子山集注傷心賦者雖傷弱子亦
悼亡國也枯樹賦者庾子山鄉關之思所爲作也
樹賦臨風亭而嘆
鶴對月峽而吟猿

此篇全用木部點染而以吾谷千章萬章木中有雙
株向背生爲眉目兄在長安弟玉關摘葉攀條不能
去則又眉目中點睛處也然詩意本側重玉關一邊
故於一株夭矯叙之頗略一株偃蹇叙之綦詳中間
咏嚴子六事亦以宰木串下用詩中夾叙法至其點
染之妙與蟋蟀盆歌略同足供玩賞
孫赤崖還家
詩歲歲還鄉夢今朝夢始真到家仍作客無地可容
身山色迎人好湖光入眼新廿年成底事悔不早投
綸弟妹何年別盤殮此夕同看來頭盡白語罷淚俱
紅垂老重聞亂還家舊業空但能長聚首不必問窮

通少小離鄉縣何堪老大歸出門童子問見面故人
稀道路忘南北溪橋半是非青青山色在猶到舊柴
扉

圓圓曲

資治通鑑綱目三編初明吳三桂奉詔入
援至山海關聞燕京陷猶豫不進自成執

其父襄令作書招之三桂欲降至灤州聞愛妾
爲賊所掠大憤急回關遣使乞降于我朝求

大軍入關奮擊

共討賊自成率衆東犯我
大破賊追北四十里自成奔永平殺吳襄走還
京師明史流賊傳吳三桂欲降至灤州聞愛妾

陳沅被劉宗敏掠去憤甚疾歸山海關襲破賊

將乞降于我

大清鈕玉樵觚賸延陵將軍

美丰姿善騎射軀幹不甚偉碩而勇力絕人沈
鷺多謀頗以風流自賞常讀漢紀至仕宦當作
執金吾娶妻當得陰麗華慨然嘆曰我亦遂此
願足矣雖一時寄情之語而妄覲非分意肇於
此崇禎末流氛日熾秦豫之間關城失守燕都

震動而大江以南阻于天塹民物晏如方極聲色之娛吳門尤盛有名妓陳圓圓者花明雪艷獨出冠時維時田妃擅寵兩宮不協烽火羽書相望於道宸居爲之憔悴外戚周嘉定伯以營葬歸蘇將求色藝兼絕之女由母后進之以紆宵旰憂且分西宮之寵因出重貲購圓圓載之以北納于椒庭一日侍后側上見之問所從來后對左右供御鮮同里順意者茲女吳人且嫻崑伎令侍櫛盥耳上念國事不甚顧遂命遣還故圓圓仍入周邸延陵方爲上倚重奉詔出鎮山海祖道者綿亘青門以外嘉定伯首置絳筵餞之甲第出女樂佐觴圓圓亦在擁統之列輕鬟纖履綽約凌雲每至遲聲則歌珠累累與蘭馨併發延陵停卮流盼深屬意焉詰朝使人道情於周有紫雲見惠之請周許諾延陵陛辭上賜三千金分千金爲聘限迫卽行未及娶也嘉定伯盛具奩賸擇吉送其父襄家未幾闖賊攻陷京師宮闈殲蕩貴臣巨室悉加繫累初索金

帛次錄人產襄亦與焉闖擁重兵挾襄以招其
子許以通侯之賞家人潛至帳前約降忽問陳
娘何在使不能隱以籍入告延陵遂大怒按劍
曰嗟乎大丈夫不能自保其室何以生爲卽作
書與襄訣勒軍入闕縞素發喪隨天旅西
下殄賊過半賊憤襄殺之懸其首於竿襄家三
十八口俱遭慘屠蓋延陵已有正室亦遇害而
圓圓翻以籍入無恙闖棄京出走十八營解散
各委其輜重婦女於途延陵追度故關至山西
晝夜不息尚未知圓圓之存亡也其部將已於
都城搜訪得之飛騎傳送延陵方駐師絳州將
渡河聞之大喜遂於玉帳結五綵樓脩翟第之
服從以香輦列旌旂簫鼓三十里親往迎迓自
此由秦入蜀迄於秉鉞滇雲垂旒洱海人臣之
位於斯已極圓圓舫依上將匹合大藩回憶當
年牽蘿幽谷挾瑟勾欄時豈復思有此日是以
鶴市蓮塘採香舊侶艷此奇逢咸有咳吐九天
之羨梅村太史有圓圓曲云云此詩史微詞也

皇朝順治中延陵進爵爲王圓圓將正妃
位辭曰妾以章臺陋質謬污瓊寢始於一顧之
恩繼以千金之聘流離契濶幸保殘軀獲與奉
匱之役珠服玉饌依享殊榮分已過矣今我王
析圭胙土威鎮南天正宜續鸞戚里諧鳳侯門
上則立體朝廷下則垂型裨屬稽之大典斯曰
德齊若欲韋弱絮於繡裯培輕塵於玉几旣蹈
非偶之嫌必貽無儀之刺是重妾之罪也其何
敢承命延陵不得已乃別娶中閫而後婦悍妬
絕倫羣姬之艷而進幸者輒殺之唯圓圓能順
適其意屏謝鉛華獨居別院雖貴寵相等而不
相排軋親若姊妹圖圓之養姥曰陳故幼從陳
姓本出於邢至是府中皆稱邢太太居久之延
陵潛蓄異謀邢窺其微以齒暮請爲女道士霞
帔星冠日以藥鑪經卷自隨延陵訓練之暇每
至其處清談竟晷而還癸丑歲延陵造逆丁巳
病歿戊午滇南平籍其家舞衫歌扇穉蕙嬌鶯
聯艫接軫俱入禁掖邢之名氏獨不見於籍其

元機之禪化耶其紅線之仙隱耶其盼盼之終
于燕子樓耶已不可知然遇亂能全捐榮不御
軼心爭域晚節克終使延陵
遇於九原其負愧何如矣

鼎湖當日棄人間破敵收京下玉關慟哭六軍俱縞素

衝冠一怒爲紅顏紅顏流落非吾戀逆賊天亡自荒讌

電埽黃巾定黑山哭罷君親再相見

此首以慟哭六軍俱縞素衝冠一怒

爲紅顏作挈領以若非壯士全師勝爭得娥眉匹馬還
作中權以全家白骨成灰土一代紅粧照汗青作收束
此六句直史筆也是全篇之眼目起八句用倒叙法
從三桂起兵說到重見圓圓非戀句若爲三桂分辨荒
讌句若爲圓圓包含然逆賊本由天亡則非三桂戰功
可知而荒讌二字已包却天邊粉絮圍第強呼等事立
言之妙令人不可思議○史記封禪書黃帝采首山銅
鑄鼎於荆山旣成有龍垂胡髯下迎黃帝黃帝上騎後

世因名其處曰鼎湖又留侯世家願棄人間事又范

睢傳卒為秦禽將破敵杜有收京詩三首玉關見贈家

侍御明史禮志天子六軍故用六燾戰國策天下篇

素衝冠見又詠古紅顏見讚佛詩天亡借用項羽

語荒讌見避亂後漢書吳漢傳贊電埽羣孽黃巾黑

山並見雒陽行定黑山用薛仁貴傳將軍三箭定天山

語李少卿答蘇武相見初經田寶家侯門歌舞出如

書違棄君親之恩

花許將戚里笙篴伎等取將軍油壁車家本姑蘇浣花

里圓圓小字嬌羅結夢向夫差苑裏游宮娥擁入君王

起前身合是採蓮人門前一片橫塘水相見四句言三

姑蘇六句補出圓圓鄉里然夢擁宮娥已為下文消息

滿江鄉夫婿擅侯王作觀矣結處用採香逕響驂郎吳

宮曲等字亦是從夫差苑橫塘水縈繞而出也張如

哉曰由再見說歸初見由初見說歸本家俱是倒序法

以下順叙○〔史記列傳〕魏其侯竇嬰者孝文后從兄子也武安侯田蚡者孝景后同母弟也〔駱賓王詩〕始見田竇相移奪〔按〕此以比嘉定伯周全耳〔霍郊詩〕侯門一入深如海歌舞見臨頓兒王僧孺詩二八人如華戚里見青門曲笙篴見蕩子行〔篇海〕等期待也油壁車見玉京墓〔姑蘇見〕磬清湖〔劉誦詩〕江村頗類浣花里〔左太冲嬌女詩〕小字爲織素〔文通別賦〕羅與綺兮嬌上春〔夫差宮見〕磬清湖〔姚合詩〕散逐宮娥舞袖迴君王起翻用長恨歌從此君王不早朝也〔前身出晉書羊祜傳〕一〔統志〕採蓮涇在吳縣城內〔常建詩〕直到門前溪水流橫塘〔見〕送志衍入蜀橫塘雙槳去如飛何處豪家強載歸

此際豈知非薄命此時只有淚沾衣薰天意氣連宮掖

明眸皓齒無人惜奪歸永巷閉良家教就新聲傾坐客

前四句圓圓離蘇州而入周邸後四句出宮中而再入周邸也坐客句引起三桂○雙槳見題志衍畫王仲宣

詩擊櫓若飛豪家見蕭史青門曲載歸借用史記齊

太公載與俱歸此際二句用劉希夷公子行句法薄

命見銀泉山淚沾衣見青門曲薰天見老妓行意

氣見贈李雲田宮掖見遇劉雪舫明眸皓齒見銀泉

山按奪歸即強載之意非奪自永巷歸而閉之於家

也圓圓自椒庭遣還仍歸周郎故云徐孝穆玉臺新咏

序四姓良家馳名永巷白詩黃金費盡教歌舞新

聲見琵琶行序杜詩一見能傾坐坐客見行路難坐

客飛觴紅日暮一曲哀弦向誰訴白哲通侯最少年揀

取花枝屢迴顧早攜嬌鳥出樊籠待得銀河幾時渡恨

殺軍書底死催苦留後約將人誤此段就三桂說前四句聘定圓圓後四句

奉出關之命也○飛觴見茸城行杜詩金鐙下山紅日

晚白詩莫辭更坐彈一曲魏文帝詩哀弦微妙班叔

皮北征賦永伊鬱其誰訴白哲見臨頓兒通侯見楚

兩生序白詩十七人中最少年又揀得如花四五枝

迴顧見松鼠溫飛卿詩籠中嬌鳥暖猶睡陶詩久在

樊籠裏銀河見青門曲陳子良七夕看新婦停車詩

只言更尚淺未是渡河時漢書息夫躬傳軍書交馳

而輻輳孫巨源詞何須抵死催人世說羊孚食畢

便退遂苦相留史記相約恩深相見難一朝蟻賊滿長

高祖紀後天下約

安可憐思婦樓頭柳認作天邊粉絮看遍索綠珠圍內

第強呼絳樹出雕欄若非壯士全師勝爭得蛾眉匹馬

還此段就圓圓說前四句在周郎而被闖禍後四句離

周郎而合破鏡也若非二句筆勢飛動靈心四映

李義山詩相見時難別亦難恩深見贈家侍御蟻賊

見蟋蟀盆歌思婦樓頭見贈李雲田范致能詩無

風楊柳漫天絮獨孤至之詩花作鉛粉絮晉書石崇

傳本受命指索綠珠北齊彭城王浟傳徑向浟第至內

室絳樹見玉京墓雕欄見宮扇壯士見雁門尚書

行李遐叔弔古戰場文全師而還張如哉曰壯士二

句暗用許俊挾章臺妓
上馬事詳琴河感舊

蛾眉馬上傳呼進雲鬟不整驚

魂定蠟炬迎來在戰場啼粧滿面殘紅印專征簫鼓向

秦川金牛道上車千乘斜谷雲深起畫樓散關月落開

粧鏡

前四句是哭罷君親再相見後四句指圓圓從三桂入蜀之事蓋吳逆於國初已封平西王矣○

傳呼見玉京彈琴歌

雲鬟見讚佛詩白詩花冠不整

下堂來子瞻謝表驚魂未定

杜詩吟詩蠟炬紅季昂

詩銀燭迎來在戰場

漢書五行志桓帝元嘉中婦女

作愁眉啼粧王仲初詩樹頭樹底覓殘紅

專征見夜

宿阜昌漢武帝秋風辭簫鼓鳴兮發棹歌三國志諸葛

亮傳以出秦川

金牛見閬州行

斜谷見行路難注

張見蹟詩驚嶺白雲深司空表聖詩蜀柳絲絲幕畫樓

寰宇記

大散關在鳳翔府岐山縣西南五十二里一

統志大散關在漢中府鳳縣東北五

十里杜牧之阿房宮賦開粧鏡也

傳來消息滿江鄉

烏柏紅經十度霜教曲妓師憐尚在浣紗女伴憶同行

舊巢共是銜泥燕飛上枝頭變鳳皇長向尊前悲老大

有人夫婿擅侯王此一段與家本姑蘇一段相對照卽摩詰當時浣紗伴莫得同車歸之意

○薛元卿詩飛來飛去傳消息杜詩別恨滿江鄉鳥

相見送龔孝升賈閬仙詩客舍并州已十霜妓師見

臨淮老妓行杜詩亂後吾還在王詩當時浣紗伴女

伴見玉京彈琴歌詩攜手同行李詩飛鳥還舊巢庾

子慎詩不及銜泥燕宋書王微傳與王僧綽書曰岩

穴人情所難吾得當此則雞鶩變作鳳凰南史范雲

傳雲之幸于子良江祐求雲女婚姻至是祐責雲曰昔

與將軍俱爲黃鵠今將軍化爲鳳凰荆布之室理隔華

盛謝氏詩源姑蘇城中父老相傳吳時有二鶴在其地

對舞已而飛集金昌門外青楓橋東化爲鳳凰飛入雲

際今鳳凰橋是也老大尊前見臨淮老妓行夫婿

見青門曲侯王見彈琴歌按長向句指女伴有人句指

也圓圓當時祇受聲名累貴戚名豪競延致一斛明珠萬

斛愁關山漂泊腰肢細錯怨狂風颺落花無邊春色來

天地

此六句與橫塘雙槳四句相照應而無邊春色仍引歸蜀地上○韓詩士生為名累名豪見贈馮

訥生

漢書王貢傳序迎而致之

梅妃傳

上令樂府以

新聲度之號一斛珠萬斛愁見讀西臺記

關山見琵琶行杜詩飄泊損紅顏唐無名氏詩東風掙就腰支細

狂風

見行路難其三杜牧之詩茶烟輕颺落花風

蘇詩

誰言一點紅解寄無邊

春杜詩

錦江春色來天地

嘗聞傾國與傾城翻使周

郎受重名妻子豈應關大計英雄無奈是多情全家白

骨成灰土一代紅粧照汗青

此一段咏嘆之前四句又若為三桂分辨者其詞婉

而多風後兩句則史家之直筆也○傾國傾城見永和宮詞

周郎借用周瑜傳晉書衛玠傳妻父樂廣有海

內重名

後漢書竇武傳宜速斷大計

唐油蔚詩憐

君無那是多情顧寧人曰六朝人多書奈為那唐人詩

多以無奈為無那馮敬通與陰就書眾响飄山當為

灰土阮詩身竟為土灰皮襲美詩艷骨已成蘭麝土

喬知之詩一代紅顏為君盡君不見館娃初起鴛鴦宿

文宋瑞詩留取丹心照汗青

越女如花看不足香逕塵生鳥自啼屨廊人去苔空綠

換羽移宮萬里愁珠歌翠舞古梁州為君別唱吳宮曲

漢水東南日夜流

此一段再咏嘆之若預知三桂有覆滅之禍者太白能辨汾陽之忠梅村

能料吳逆之亂孰謂吟風弄月者無益于經濟之實耶

○越絕書吳人於硯石山作館娃宮一統志靈巖山頂

舊有秀峯寺即館娃宮也杜詩鴛鴦不獨宿宋延清

詩越女顏如花白詩盡日君王看不足一統志採香

涇堰在吳縣西李從一詩梁宋人稀鳥自啼一統志

響屨廊以梗梓藉其地西施步屨遶之則有聲故名謝

希逸月賦綠苔生閣

換羽移宮見琵琶行王少伯詩

無那金閨萬里愁

周美成詞仍慣見珠歌翠舞元詩

忽驚身在古梁州

述異記夫差時童謠梧宮

秋吳王愁按末二語亦富貴逝水之意其所以譏切于

吳者深矣

李詩漢水亦應西

北流謝靈運詩大江流日夜

陳其年婦人集圓圓字晚芬色藝擅一時崇禎末年

戚畹武安侯却置別室中侯武人也圓圓若不自得

者李自成之亂為賊帥劉宗敏所掠馬孝升曰嘉定

伯已將圓圓進未及召見旋因出永巷宮人貴妃遂

竄名藉中出付妃父田宏遇家而吳于田席上見之

也按陸雲士圓圓傳與觚賸小異然果如觚賸所云

則圓圓勝吳逆

多矣吾從觚賸

張如哉曰貴戚名豪競延致亦似後轉入田家也又

曰篇中有自相蟬聯之句如相見橫塘坐客相約馬

上皆是也然盧昇之長安古意

劉希逸公子行之類已有之矣

送杜大于皇從婁東往武林兼簡曹司農秋岳范

僉事正

感舊集補傳杜濬字于皇號茶村初名詔先湖廣黃岡人明副榜貢生有變雅堂集

大清一統志太倉州前橫婁江東接巨海

武林見楚兩生行序邵重生武林山辨武林杭

之名山因以名郡漢書明載武林山安有避唐

諱之說曹秋岳見送龔孝升通考秦曰治粟

內史漢景帝更名大司農正字下脫一字俟

考按于皇祭梅村文已亥之別尤不可忘此詩

蓋作于順

治十六年

五月江村客行曉僮無朝舖馬無草路穿槐柳到柴門

滿架藤花屋灑掃與君相別定何年一見嗟余頭白早

東鄰濁酒賒未到盤格龕疎具梨棗莫怪貧家一飯難

主人長饑客不飽

此薦士詩蓋因于皇來吳資之遊浙欲曹范兩公壯其行色耳首段言于

皇初到婁東時

○江村見礬清湖

陳無已詩歲後朝

舖定不難王子淵謝賚馬啓邊城無草按杜詩與僕白飯馬青芻此反用之

百詩路穿天地險柴門見避亂

駱賓王詩

山酒酌藤花

杜詩鄰人有美酒穉子也

能賒

字典格皮格也凡書架肉架皆曰格嵇叔夜絕

交書足下素知我潦倒麤疎杜詩庭前八月梨棗熟

貧家見遇南廂園叟國語寡人禮

先一飯矣

陶詩疇昔苦長饑

解囊示我金焦詩四

壁波濤驚欲倒

一氣元音接混茫想落千峰入飛鳥近

來此地擅時譽粉飾開元與天寶我把耒鋤倦唱酬恥

畫蛾眉鬪工巧看君爽氣出江山始悔從前作詩少

此段

贊于皇之詩○張如哉曰解囊用李長吉佳句貯錦囊

事金焦見贈蒼雪

波濤見送周子俶賈閬仙詩突出

驚我倒〔杜詩〕俯視但一氣〔李遐叔詩〕黃鐘叩元音〔杜詩〕

篇終接混茫〔千峰見西田詩〕入飛鳥見避亂〔魏書〕

羊深傳亦有時譽〔史記滑稽傳〕共粉飾之如嫁女〔唐書〕

明皇紀羣臣上尊號曰開元天寶聖文神武皇帝〔唐書〕

未鋤見磬清湖〔宋史〕沈遼傳曾鞏蘇軾黃庭堅皆與〔唱酬〕

秦韜玉詩敢將十指誇纖巧不把雙眉闕畫長〔晉書〕

王徽之傳西山朝來致有爽氣〔張如哉口〕爽氣〔江山〕

暗用張燕公詩得江山之助上承金焦下起登臨〔西子湖〕

作爲此詩〔詩〕海內悠悠識者誰汝有平生故人好副相

猶然卧茂陵侍郎已是歸嶺表况逢少伯共登臨西子

湖頭月皎皎人生貧賤何足悲縱酒高歌白雲杳勝絕

留容我輩狂劫灰燒盡雷峰小〔此段兼簡司農僉事仍〕

點染武林副相二句指〔司農少伯二句〕指僉事歸嶺表者自嶺表歸也〔唐中〕

宗制誠副相之榮級實次卿之通任茂陵見送何省齋

吳詩集卷之七上

唐書杜如晦傳監察御史陳師合斥嶺表

少伯見

磬清湖登臨見送志衍入蜀

一統志西湖在錢塘縣

西蘇詩若把西湖比西子杜詩客子入門月皎皎

使

記高祖紀悉召故人父老子弟縱酒發沛中兒得百二

十人教之歌趙子昂詩目斷南雲杳

我輩見送龔孝

升劫灰見避亂西湖志慈淨寺北有山爲南屏之支

脈昔郡人雷就居之因名雷峯吳越王妃建塔于峰頂

塔上向有重檐飛棟窻戶洞達後燬于火孤塔獨存磚

皆赤色日光西照亭臺金碧與山光倒映如

落落窮途

金鏡初開火珠將墜雖赤城栖霞不是過也

落落窮途

感快游愧我菰蘆色枯槁佳句流傳遍世間寄書早慰

江潭老

此段望于皇寄書是深一層寫送字○落落見

石公山窮途見贈家侍御

建康實錄殷禮與

張溫使蜀諸葛亮見而嘆曰江東菰蘆中生此奇才楚

辭形容枯槁杜詩猥誦佳句新寄書見贈馮訥生

江潭見送

志衍入蜀

志衍入蜀

杜于皇登金山塔二首極目非無岸滄波接大荒人
烟沙鳥白春色嶺雲黃出世登初地思家傍戰場咄
哉天咫尺消息轉茫茫薄暮難爲狀空中別有聞懸
燈江海合望月水分寥廓身何在飄零與不羣向
來峰頂色看作下方雲又焦山一首出郭來差遠憑
高望獨深江分神禹跡海見魯連心密竹藏金像回
流灌石林擬尋幽
絕處却誦白頭吟

悲歌贈吳季子

原註松陵人字漢槎江叅軍池北偶談吳江吳孝廉漢

槎以順治十五年流寧古塔蘇州府志吳兆騫
字漢槎少有雋才與慎交社名聞遠近順治丁
酉舉于鄉科場事發遣戍寧古塔所著有秋笳
集按漢槎之稱爲季子以有兩兄兆寬宏人兆
宮聞夏也公羊傳季子弱而才此
借用松陵詳題蘅菴像其二

人生千里與萬里黯然消魂別而已君獨何爲至於此

山非山兮水非水生非生兮死非死

起筆如淒風驟雨
雲颯而來○又通

恨賦

人生到此天道寧論又別賦復燕宋兮千里又暫

遊萬里少別千年

又黯然銷魂者惟別而已矣楚

辭子非三閭大夫與何故至於斯

後漢書五行志靈

帝末童謠侯非侯王非王晉書孫綽傳山濤吏非吏隱

非十三學經并學史生在江南長統緒詞賦翩翩衆莫

比白璧青蠅見排抵一朝束縛去上書難自理絕塞千

山斷行李送吏淚不止流人復何倚彼尚愁不歸我行

定已矣

此補叙漢槎之才高被禍謫居塞外也○漢書

夏侯勝傳學經不明不如歸耕沈雲卿詩丹唇

曾學史白首不成儒潘安仁秋興賦序珥蟬冕而襲

紉綺之士此焉游處

翩翩見贈吳錦雯詩營營青

蠅止于樊愷悌君子無信讒言

陳伯玉詩青蠅一相點

白璧遂成冤恨賦敬通見抵

漢書賈誼傳若夫束縛

之晉書王濬傳上書自理絕塞見雁門尚書行千

山見贈願雲師行李見送周子俶後漢書第五種傳

遮險格殺送吏莊子子不聞夫越之八月龍沙雪花

流人乎詩胡不歸父我行永久

起橐駝垂腰馬沒耳白骨皚皚經戰壘黑河無船渡者

幾前憂猛虎後蒼兕土穴偷生若螻蟻大魚如山不見

尾張髻爲風沫爲雨日月倒行入海底白晝相逢半人

鬼此形容塞外之苦摹寫險譎如奇鬼磔人○龍沙見東萊行雪花見雪中遇獵橐駝見鐵獅歌按垂腰

沒耳皆謂雪也蘇詩試掃北臺看馬耳未隨埋沒有雙

尖此變化用之皚皚見廿五日詩說文壘軍壘也周

禮夏官量人掌營軍之壘舍黑河見海戶曲又一統

志黑水河在錦州府寧遠州西一百二十里古樂府

有猛虎行論衡夫蒼兕水中之獸也善覆人船杜詩前

有毒蛇後猛虎詩陶復陶穴箋復者復於土上鑿地

長詩集元卷七上十

爲穴皆如陶然季少卿答蘇武書豈偷生之士而惜死
之人哉賈生弔屈原賦固將制於螻螳曹詩大魚若
曲陵舊唐書真臘傳海中大魚有時半出望之如山吳
志孫休傳夢乘龍上天顧不見尾潘安仁西征賦素
鱣揚鬚崔豹古今注鯨魚者海魚也大者長千里小者
數十丈鼓浪成雷噴沫爲雨西京賦廼有昆明靈沼
日月于是乎出入曹孟德樂府日月之行若出其中噫
星漢燦爛若出其裏隋書李德林傳談人鬼之謀噫
嘻乎悲哉生男聰明慎勿喜倉頡夜哭良有以受患祇
從讀書始君不見吳季子以悲嘆作收束此變徵之聲
○噫嘻乎悲哉見退谷歌春
更記外戚世家生男勿喜蘇詩人家養子要聰明春
秋元命苞倉頡創字天爲雨粟鬼爲夜哭三國志王肅
傳良有以也蘇詩
人生識字憂患始

原評漢槎極人世之苦然不如此無秋筇一集其人
恐不傳天之阨之正所以傳之也詩格從嘉州蜀葵

花歌化出 徐原一尚書懷漢槎在獄詩吳郎才筆
勝諸昆多難方知獄吏尊誰爲解驂存國士可憐一
飯困王孫蟬吟織室秋聲靜劍沒豐城夜氣昏聞道
龍沙方議譴聖朝解網有新恩又懷友人遠戍詩邊
城日日聽鳴笳極目辰韓道路賒三襲貉裘猶未暖
一生雪窖便爲家晨看軍府飛金鎬暮向溪山引犢
車千載管寧傳皂帽難從遼海問生涯已甘罪譴戍
荒蹊又發家人習鼓鼙孟博暫能隨老母子卿猶得
見生妻鵲鴿原上聞猿嘯雞鹿山前聽馬嘶夢裏依
稀歸故國千重闕隘眼中迷 吳漢槎奉酬徐健菴
見贈之作金燈簾幙欵清闕把臂翻疑夢寐間一去
塞垣空別淚重來京洛是衰顏脫駮深愧胥靡曠裂
帛誰憐屬國還酒半却嗟行戍日鴉青江畔渡潺湲
沈歸愚師曰此贖歸後晤健菴尚書作感激中自存
身分見古道交 王貽上和徐健菴宮贊喜吳漢槎
入關之作丁零絕塞鬢毛斑雪窖招魂再入關萬古
窮荒生馬角幾人樂府唱刀鐐天邊魑魅愁遷客江
上尊鱸話故山太息梅村今宿草不留老眼待君還

自注吳梅村先生昔有送漢槎出塞長句見集中
宋牧仲漢槎歸自塞外邀同王阮亭祭酒毛會侯大
令錢介維小集用東坡海市詩韻塞外長白橫長空
吳君廿載水霜中豈意玉關得生入雲霄重望蓬萊
宮哀笳聽罷鬢毛改縱橫老筆偏能工魚皮之衣捕
貂鼠曾披榛莽尋黃龍甫草寓書感生別題詩慘絕
梅村翁歸來兩君已宿草惟君懷抱猶豪雄時平好
獻大禮賦少陵遇合無終窮相逢一笑快今日俯仰
况復當春融談詩命酒皆老輩何惜傾倒玻璃鍾桔
矢石弩誇劍見君之所得亦已豐夜闌醉眼望天漢
恍惚鳴綠磨青銅世間萬事一海市且看梅萼開春
風徐氏續本事詩漢槎驚才絕艷數奇淪落萬里
投荒驅車北上時嘗託名金陵女子王倩孃題詩驛
壁以自寓哀怨兩河三輔間多有和者故計改亭詩
云最是倩孃題壁句吳郎絕塞不勝情感舊集補
傳兆騫以科場事謫寧古塔與明太傅珠之子侍御
成容若爲友懇侍御救之未卽許顧貞觀作金縷曲
二闋以寄兆騫侍御見之泣曰山陽思舊之作都尉

河梁之什並此而三矣此事三千六百日中弟當以身任之不俟兄再囑也貞觀曰人壽幾何請以五載爲期侍御告之太傅兆騫遂以辛酉入關

織婦詞

梁武帝有織婦詩

黃繭繰絲不成匹停梭倚柱空太息少時織綺貢尚方
官家曾給千金直孔雀蒲桃新樣改異繡奇文不遑識
桑枝漸枯蠶已老中使南來催作早齊紈魯縞車班班
西出玉關賤如草黃龍袱子紫橐駝千箱萬疊奈爾何

起二句作破題少時二句追遡盛時新樣以下太息時事賤如草正與千金直作對照也末二句作結語此詩絕類昌黎○說文繭蠶衣也禮夫人纁三盆手集韻繰或作繰溫飛卿詩鴛鴦艷錦初成匹梁元帝詩停梭

還斂色琴操魯漆室女倚柱悲吟梁武帝詩莫愁十

三能織結尚方見讚佛詩官家見永和宮詞白詩虛

費千金直孔雀蒲桃錦見讚佛詩新樣見永和宮詞

西京雜記五絲為繡倍繡為升傅休奕贈扶風馬鈞

序舊綾機五十綜者五十躡六十綜者六十躡先生患

其喪功費日乃皆易以十二躡其奇文異變因感而作

者猶自然之成形陰陽之無窮說文綜織縷也六書故

繡絲接岐也按魏志傅集皆作躡當依西京雜記作繡

詩不遑啟處崔顥詩幽冀桑始青洛陽蠶欲老中

使見海戶曲按作織作也三輔黃圖暴室王掖庭織作

染練之署梁簡文帝謝賚納袈裟啟魯縞齊紈藉新

香而受采後漢書五行志車班班杜詩齊紈魯縞車班

班玉關見贈家侍御按明史魏忠賢傳有黃龍袂

字紫駝見雪中遇獵注歐陽永叔詩文章富千箱宋

史樂志銀濤千萬疊

杜詩雞栖奈汝何

贈穆大苑先

原注從汝寧確山歸確山余兄純祐治也穆苑先見廿五日詩

天

清一統志汝寧府在河南布政司南四百六十里確山縣在府西南九十里梅村穆苑先墓誌余之初就君齋讀書也有同時游處者四人志衍純祐爲兄弟魯岡與之共事其輩行差小皆吳氏余宗也鄰舍生孫令修亦與焉晚而從純祐於汝南之確山純祐仕宦失志所守又山城殘破本不足以屈知己君特徇窮交之請雖至顛踣道塗無所恨然亦自此東歸不復出矣按現果隨錄吳純祐諱國杰庚辰進士曾爲永嘉令而張受先太倉州志丙子舉人許國杰人嘏本姓吳志衍弟子庚辰進士內不書國杰也人嘏蓋卽純祐而其爲永嘉令亦不可考耳

穆生同學今頭白讀書不遇長爲客亂離諸子互升沉

共樂同愁不相失出入知交三十年江山幾處供游歷

此段籠起通篇共樂同愁江山游歷是苑先身分○穆生字借用見二十五日詩同學見贈蒼雪 杜詩不辭

萬里長爲客

季詩升沉應已定

軍說

可與共樂未

可與共憂韋端已詩也同歡笑也同愁

知交見送周

子俶

晉書王獻之傳

遊歷既畢旁若無人

承平初謁武夷君荔支曰啖過

三百兵火桐江遇故人釣臺長嘯凌千尺身軀雖小酒

腸寬坦腹鄉村話疇昔

此段言苑先游歷閩浙○承平見王郎曲跋更記索隱建安有

武夷山溪有仙人葬處卽漢書所謂武夷君一統志武

夷山在建寧府崇安縣南三十里

蘇詩曰啖荔支三

百顆不妨長作嶺南人苑先墓誌銘令修官閩中君過

建溪以送之因留啖荔枝商所以爲治甌寧之政遂爲

八閩最

兵火見遇南廂園叟桐江見贈馮訥生

釣

臺見讀西臺記長嘯見壽龔芝麓苑先墓誌吾師張西

銘先生方以復社傾東南君進而與之遊先生之幼弟

曰救菴其遇君特厚救菴由睦之桐廬令入爲給諫君

爲之上嚴灘者三過京師者再鎮洋縣志雲桂敏達豪

宕篤友誼張溥以復社傾海內雲桂從之遊黨禍熾同

社生往往從決策多所挽救溥弟王治以給諫改官甫
旋里跟蹌就逮禍不測雲桂先期北發傾身營護得削
籍歸而雲桂幾爲忌者所中平生周旋故舊於患難死
生之際凡三十年王治字無近號救庵順治丁亥進士
晉書隴上歌軀幹雖小腹中寬孟東野詩爲君開酒
腸杜詩坦腹江亭暖疇昔見六直歌苑先墓誌等輩
皆貴恥復與後生相角逐訪友新年到蔡州淮西風浪
摧撞息機一以寓之於酒

使人愁峭帆直下雙崖險奇石橫空衆水流泊口斷磯

傳禹跡山根雷雨鎖獼猴舍舟別取中都道寢廟高原

陵樹秋定有風雲歸大澤不堪弓劒弔荒邱仰天太息

頻搔首失脚倒墮烏犍牛偶來帝鄉折左臂吾苦何足

關封侯

此段言苑先游歷蔡州由江南而之江北道經淮徐也○杜詩鷺入新年語蔡州見楚兩生行

退之有平淮西碑崔顥詩下渚多風浪又烟波江上使人愁李詩狂風愁殺峭帆人杜詩雙崖洗更清

在懷遠縣西南一里水經注淮水出于荆山之左當塗

之右圖經荆塗二山相爲一脈禹鑿爲二以通淮流按

雙崖應指此一統志金山在丹徒縣西北七里大江

中其西南水中三石奇險峭拔雖大水不沒曰石排山

按奇石應指此一統志泰山墩在淮安府清河縣東

天妃閘在墩北惠濟閘在墩南南北兩岸皆爲運口按

泊口應指此陳伯玉詩奔橈驚斷磯禹蹟見讀西臺記

庚詩山根一片雨易雷雨之動滿盈唐國史補楚州

有漁人忽于淮中釣得古鐵鎖挽之不絕以告官刺史

李陽大集人力引之鎖窮有青獼猴躍出水復沒而逝

後有驗山海經云水獸好爲害禹鎖於軍山之下其名

曰無支奇一統志淮安府唐武德四年於山陽置東楚

州八年更名楚州天寶初復曰淮陰郡乾元初復曰楚

州按此則軍山應在淮安府謝靈運詩舍舟得平地

陳陶詩刺桐屏幃滿中都說附後漢書叔孫通傳先

帝園陵寢廟羣臣莫習元詩况有高高原秋風四來迫

陵樹見蘆洲行漢書高祖紀自歌曰大風起兮雲飛

揚又母媼嘗息大澤之陂寰宇記大澤在豐縣北六里

弓劒見遇南廂園叟羅昭諫詩三分孫策竟荒邱

史記李斯傳仰天而歎搔首見哭志行失脚見贈願

雲師烏犍牛見畫中九友歌後漢書劉隆傳南陽帝

鄉多近親晉書羊祜傳丈夫落落誇徒步芒鞋踏遍

祜竟墮馬折臂位至公

天涯路中原極目滿蓬蒿海內於今信多故萬事無如

散誕游一官必受羈棲誤傷心憔悴朗陵侯征蹄奔命

無朝暮身親芻秣養驂騑供頓三軍尚嗔怒赤日黃埃

伏道旁鞭稍拂面將誰訴故舊窮途識苦辛掉頭舉世

寧相顧此段言苑先既到蔡州適純祐供億軍興亟須共樂同愁之人也落落見石公山徒步見送

吳詩集卷之七上

沈繹堂

陳無已詩

竹杖芒屨取次行胡天游楊花吟

夢魂不識

天涯路

中原見贈蒼雪極目見贈李雲出

蓬蒿見雁門尚書行

史記陳丞相世家呂后時事多

故矣

散誕見廿五日詩

一官見哭志衍羈棲見送

杜敬武

朗陵侯見送何省齋詳送純祐之確山左

傳成七年

子重子反于是乎一歲七奔命芻秣見馬

草行驛驢

見贈家侍御

唐書高祖紀詔所過供頓免

今年租賦之半

韓致光詩嗔怒難逢笑眼開王詩赤

日滿天地明遠

蘇城賦惟見起黃埃道旁見吾谷行

陸務觀詩

畫橋飛絮逐鞭稍拂面見琵琶行窮途見

贈家侍御

杜詩不復同苦辛

掉頭

見六章歌序楚辭舉世皆濁我獨清

見六章歌序

楚辭舉世皆濁我獨清

嗚呼汝南風俗天

下稀死生然諾終難移相逢應自有奇士客中可以談

心期君行千里狗友急此意豈得無人知

此段言苑先共樂同愁篤

于知交而點入確山也○一統志汝寧府漢汝南郡後

漢書許劭傳汝南俗有月旦評焉杜詩閬州城南天下

漢書許劭傳汝南俗有月旦評焉杜詩閬州城南天下

漢書許劭傳汝南俗有月旦評焉杜詩閬州城南天下

稀然諾見哭志行
〔漢書司馬遷傳〕自守奇士
〔任

彦升詩中道遇心期
此意人不知

按禮夫子制於中都注中都魯邑名孔子嘗爲之宰
一統志中都城在兗州府汶上縣西春秋時魯邑是
也左傳昭二年晉侯謂陳無宇非卿執諸中都杜註
中都晉邑在西河介休縣東南史記秦本紀惠文君
後九年伐趙取中都漢書文帝紀爲代王都中都武
帝紀元封四年幸中都宮殿上見光師古曰中都在
太原一統志中都故城在汾州府平遙縣西北而謂
杜註譌北爲南者是也通鑑晉惠帝永興元年劉淵
遣劉曜寇太原取中都胡身之註中都屬太原郡而
後魏遂移置於榆次縣界一統志中都故城在榆次
縣東十五里是也金史海陵紀貞元元年改燕京爲
中都一統志京師金爲中都元爲大都是也然兗州
太原汾州燕京皆非自太倉入汝寧之路或謂寢廟
荒邱似指昌平諸陵於苑先墓誌歸自京師與汝南

句合中都字似用金史然一統志君山在泗州盱眙縣東北六里亦名軍山又云支祈井在盱眙縣東北下龜山寺後卽禹鎖水神處又鳳陽府東魏武定七年改北徐州曰楚州明初吳元年曰臨濠府洪武二年以臨濠爲中都明史禮志熙祖墓在鳳陽府泗州蠓城北薦號曰祖陵仁祖墓在鳳陽府太平鄉薦號曰英陵後改稱皇陵設皇陵衛阮紫坪曰中都寢廟陵樹帝鄉俱指鳳陽言之耳又按失脚折臂卽墓誌中顛路道塗無所恨意

遣悶

李文山詩短篇纔遣悶按此聞京江之亂而

作其一夜不成寐其二晨省而語其親也其三悔不能死憔悴而今困于此卽艾炙眉頭瓜噴鼻早患苦重來千疊之意但此就兵變言之彼就病困言之耳故人往日燔妻子卽故人慷慨多奇節之意欲往從之愧青史卽一錢不值何須說之意蓋兵而死病而死均之死也不知以節死窘迫之時言最深惘然兵尚可避故詩

猶以親在爲解病不能逃故詞遂以脫屣妻孥
非易事直言窘迫之境尚分緩急是以其言亦
微有曲直也梅村是閱歷以後語足令讀者悚
然于見義不爲之無益矣其四爲兒女而悶其
五爲田園而悶其六爲著述而悶而其六末
四語更反言以寫其悶也立言具有次第

秋風泠泠蛩唧唧中夜起坐長太息我初避兵去城邑
田野相逢半親識扁舟遇雨烟村出白版溪門主人立
雞黍開尊笑延入手持釣竿前拜揖十載鄉園變蕭瑟
父老誅求窮到骨一朝戎馬生倉卒婦人抱子草間匿
津亭無船渡不得仰視烏鵲營其巢天邊矰繳猶能逃
繳集我獨何爲委蓬蒿搔首回望明星高
前八句去城邑是避兵入

磬清湖之事後九句鄉園變是海寇陷鎮江江南被兵

之事誅求蓬蒿兼及奏銷事也○宋玉風賦清清泠泠

木蘭詩唧唧復唧唧一作促織何唧唧中夜見贈李

雲田楚辭長太息以掩涕避兵見東萊行漢書韓信

傳以天下城邑封功臣田野見西田詩陶詩親識豈

相思百詩烟村混舳艫又畫屏局白版蘇養直詞

莫掩溪門開尊見後東臯歌史記晏嬰傳晏子于是

延入為上客釣竿見磬清湖唐書王無功傳性簡放

不喜拜揖元次山詩鄉園不見重歸鶴蕭瑟見彈琴

歌父老見贈吳雪航誅求到骨見遇南廂園叟梅村

行狀先生以奏銷事幾至破家戎馬見題志行畫倉

卒見讀西臺記王仲宣詩路有饑婦人抱子棄草間

得王介甫詩津亭把手坐一笑李頎詩津吏停舟渡不

伊鵲營巢珍禽攸處矰繳見哭志衍蓬蒿

見雁門尚書行搔首見哭志衍詩明星有爛
張如哉曰去鄉五載者癸巳被徵丁酉歸里共五載
也磬清湖詩序謂三載得歸者實計官京師三載

也十載鄉園變蕭瑟者乙酉至丁酉計十年也一朝
戎馬生倉卒卽其二之江湖到處逢征戰其三之京
江戰骨無人問也故又云風塵咫尺何時定若陳墓之變事早定矣

其二

鷄旣鳴矣升高堂問我消息來何方欲語不語心彷徨
當年奔走雖茫茫兩親筋力支風霜上有王母方安康
下有新婦相扶將小妹中夜縫衣裳百口共到南湖莊
只今零落將誰望出門一步紛蜩蟬十人五人委道傍
去鄉五載重相見江湖到處逢征戰一家未遂昇平願
百年那得長貧賤

起三句現在之事當年六句追寫
澎湖避兵之事只今三句現在之事

未四句咏嘆 兩親五句卽我家兩衰親上奉高堂姑
艱難總頭白動止須人扶云云也只今零落以下卽七
夕感事之南飛烏鵲夜北顧鵲驚軍哭亡女之兒女關
餘劫干戈逼小年也○詩雞旣鳴矣高堂見磬清湖
來何方見遇南廂園叟 彷徨見吾谷行 奔走筋力
見磬清湖 風霜見吾谷行 易子其王母爾雅父之
妣爲王母三國志孫綝傳安康社稷 焦仲卿妻詩新
婦語府吏又好自相扶將 王詩小妹日成長詩可以
縫裳 百口見避亂南湖卽磬清湖 零落見避亂
詩如蝸如蟻 十人五人見高士圖易林委積道旁
範詩去鄉三十載 李詩樓船習征戰 昇平見琵琶
行 史記陳丞相世家豈有美好如陳平而長貧賤者
乎

按梅村泰母于太夫人壽序吾因留仙之言而喟然
有感于余祖母湯淑人也衰門貧約吾母操作勤苦
以營舅姑滫瀡之養湯淑人憐其多子代爲鞠育余
自少多病由衣服飲食保抱提攜惟祖母之力是賴

憶自早歲通籍祖母年七十有三及以南都恩貤封
三世湯淑人期届九袞笄珈白首視聽不衰里人至
今以爲太息與此詩
王母安康足相印証

其三

人生豈不繇時命萬事憂愁感雙鬢兄弟三人我衰病
齒牙落盡誰能信疇昔文章傾萬乘道旁爭欲知名姓
中年讀易甘肥遯歸來擬展雲山興赤城黃海東南勝
故園烽火憂三徑京江戰骨無人問愁吟獨向南樓凭
風塵咫尺何時定故人往日燔妻子我因親在何敢死
憔悴而今困于此欲往從之媿青史

此首感嘆時命而
以不能死爲恨也

疇昔文章二句指中上第官翰詹時中年肥遯指南中立君登朝一月歸時末四句即君親有愧吾還在意○時命見讀西臺記王詩獨坐悲雙鬢孟詩衰病恨無能韓文而齒牙動搖又動搖者或脫而落矣杜詩往時文采動人主後漢書第五倫傳安能動萬乘乎名姓見送杜弼武南史隱逸傳阮孝緒有高志及布卦果成遯卦張有道嘆曰此所謂肥遯無不利孝緒乃著高隱傳杜詩雲山已發興赤城見讀西臺記黃海見九友歌烽火見送周子俶三輔決錄蔣詡隱於杜陵舍中三徑大清一統志鎮江府大江即楊子江也亦曰京江戰骨見蟋蟀盆歌杜詩愁吟獨老翁南樓見送志衍入蜀吳越春秋要離曰臣聞安其妻子之樂不盡事君之義非忠也臣詐以負罪出奔願王戮臣妻子漢書鄒陽傳要離燔妻子史記刺客傳聶政曰老母在政身未敢以許人也青史見又詠古

其四

生男歡喜生女憐嗟我無子誰九天傷心七女盡亡母
啾啾乳燕枝難安一女血淚啼闌干舅姑嶺表無書傳
一女家破歸間關良人在北愁戍邊更有一女憂烽烟
圍城六月江風寒使我念此增辛酸其餘燈下行差肩
見人悲嘆殊無端攜手遊戲盈床前相思夜闌更剪燭
嚴城鼓聲振林木衆雛怖向床頭伏揺手禁之不敢哭
此首專悲諸女而作是兒女之情長也○首句見悲歌
詩嗟我婦子何仲言詩啾啾雀隱樹鮑詩乳燕逐
草蟲白詩夢啼粧淚紅闌干韻會眼睚亦謂之闌干
禮婦事舅姑如事父母嶺表見送杜于皇唐書魏
徵傳間關草昧蘇詩戍邊回雁寄情郎烽烟見宮
扇史記魯仲連傳曷爲久居此圍城之中而不去杜

詩江風颯長夏

陸士衡感時賦恒覩物而增酸

杜

詩差肩列鳳輿

曹詩悲歎有餘哀

攜手見西田詩

遊戲見讚佛詩

杜詩

床前兩小女

又夜闌更秉燭

嚴城見石公山

列子

秦青撫節悲歌聲振林木

衆雛

見礬清湖

王接武曰

後漢書馬援傳良怖急者可床下

伏

漢書成帝許后傳且使妾揺手不得梁簡文詩拭

淚空

揺手

按梅村墓表女子九人此詩之一女血淚啼闌干舅

姑嶺表無書傳是歸于王子彥之子者見短歌

及送王子彥南歸諸首一女家破歸間闕良人在北

愁戍邊是歸于陳彥升之子直方者見送遼左故人

及寄懷陳直方諸首更有一女憂烽烟圍城六月江

風寒是歸于何蓉菴之子者見送何蓉菴出守贛州

諸首然送何蓉菴云郡閣登臨迴江湖已解兵似與

圍城烽烟不合韻在國初屢遭兵革江湖解兵者

蓋其時楊廷麟萬元吉之儔已爲

大清所誅故

止云弱息還幼天涯遠嫁也烽烟圍城似指順治四

年提督金聲桓副將王得仁反攻圍贛州及十二年
劇賊曾拱辰據興國之梅窖坑剽掠吉贛二郡之事
也又墓表子三人而此云
無子蓋作于得子以前耳

其五

舍南春水成清渠其上高柳三五株草閣窈窕花扶疎
園有菜茹池有魚蓬頭奴子推鹿車藝瓜既熟分里閭
忽聞兵馬來城隅南翁北叟當窓趨我把耒鋤心躊躇
問言不答將無愚老大無成灌蔬壤暫息干戈竊偃仰

舍之出門更何往手種松杉已成長

此首是興思避亂家園都非也○杜

詩舍南舍北皆春水左太冲蜀都賦唼吭清渠儲光

義詩高柳三五株

杜詩五月江深草閣寒淵明歸去

來辭既窈窕以尋壑扶疎見雕橋莊歌漢書食貨志

菜如有畦易包有魚子山小園賦蓬頭王霸之子梁

武帝詩平頭奴子擎履箱風俗通俗說鹿車窄小纔容

一鹿杜詩瓜熟亦不早左太冲魏都賦班之以里閭

耒鋤詩俟我于城隅杜詩垂白辭南翁委身希北叟

流灌蔬壤詩或棲遲偃仰歐陽永叔詞手

種堂前垂柳松杉見高士圖杜詩長成何容易

其六

白頭儒生良自苦獨抱陳編住環堵身歷燕南遍齊魯

摩挲漆經觀石鼓上探商周過三五矻矻窮年竟奚補

响樓山頭祝融火

叶後五切

百王遺文棄如土馬矢高於矍

相圃箋釋蟲魚付榛莽

叶莫補切

寓言何必齊莊周屬辭何

必通春秋一字不向人間留亂離已矣吾無憂

此首言身經兵

火文章零落也○〔史記〕叔孫通傳諸弟子儒生隨臣久矣〔漢書〕司馬相如傳何至自苦如此〔退之〕進學解窺

陳編以盜竊環堵見海戶曲〔三國志〕公孫瓚傳燕南

垂趙北際〔易〕林東上泰山南遊齊魯〔摩訶〕見行路難

後漢書杜林傳前于西州得漆書古文尚書一卷石鼓

見廿五日詩〔史記〕孔子世家孔子述三五之法〔矻矻〕

矻見行路難〔唐書〕韓愈傳常矻矻以窮年〔季詩〕我縱言

之將何補〔峒嶠〕見廿五日詩〔史記〕楚世家重黎為帝

譽高辛居火正甚有功能光融天下帝〔譽命〕曰祝融

吳邁遠杞梁妻詩千載炳遺文棄如土見蟋蟀盆歌

馬矢見汲古閣歌〔禮〕孔子射於矍相之圃〔韓詩〕爾雅

注蟲魚定非磊落人〔季詩〕嵯峨蔽榛莽〔史記〕莊周傳

其著書十餘萬言大抵率寓言也〔晉書〕孫放傳放字齊

莊年七八歲從庾亮獵亮謂曰欲齊何莊邪放曰欲齊

莊周〔禮〕屬辭比事春秋教也〔元〕

史歐陽原功傳片言隻字流傳人間

子美同谷七歌從四愁詩胡笳十八拍化出文山六
歌從同谷七歌化出此六首蓋本于子美文山而稍
變其體所謂子雲
相如同工異曲者

詠拙政園山茶花

并引

拙政園故大宏寺基也其地林木絕勝有王御
史者侵之以廣其宮後歸徐氏最久兵興爲鎮
將所據已而海昌陳相國得之內有寶珠山茶
三四株交柯合理得勢爭高每花時鉅麗鮮妍
紛披照矚爲江南所僅見相國自買此園在政
地十年不歸再經譴謫遼海此花從未寓目余

偶過太息爲作此詩他日午橋獨樂定有酬唱

以示看花君子也

蘇州府志拙政園在婁齊二門之間嘉靖中王御史獻臣

因大宏寺廢地營別墅文待詔徵明記其子以榜蒲負失之歸里中徐氏國初海寧陳相國之遴得之籍官爲驛防將軍府旗軍撤迭居營將又爲兵脩道館旣而爲王永寧所有復籍官康熙十八年改蘇松常道新署蘇松常道裁缺後散爲民居中有連理寶珠山茶樹花時爛紅奪曰又大宏寺在長洲縣治東北元大德間建元末燬唐書百官志上鎮將一人鎮副二人中鎮將一人鎮副一人下鎮將一人鎮副一人
一統志海寧縣三國吳置海昌都尉於此
沈歸愚師曰陳之遴字彥升浙江海寧人崇禎丁丑進士第三人國朝官至大學士羣芳譜山茶一名曼陀羅樹以葉類茶又可作飲故得茶名花有數種十月開至二月就中寶珠爲

佳

庾詩交柯乍百頃按合理即連理見下文

老杜北征詩忠義之氣與秋色爭高李義山

詩花時隨酒遠司馬長卿上林賦君未覩夫巨

麗也元詩佳色有鮮妍杜詩紛披爲誰秀鍾

仲偉詩品序欲以照燭三才輝麗萬有梅村

亡女權厝誌陳海寧大姓也司農再相未一歲

用言者謫居瀋陽已而相國召入京爲宿衛再

以他事下請室全家徙遼左宋史王韶傳驟

躋政地李詩亭伯流離放遼海左傳僖二十

八年得臣與寓日焉舊唐書裴度傳又於午

橋劍別墅元城語錄司馬溫公既居洛於國子

監之側得故營地創獨樂園唱酬見

送杜于皇劉夢得有贈看花君子詩

拙政園內山茶花一株兩株枝交加艷如天孫織雲錦

頽如姹女燒丹砂吐如珊瑚綴火齊

在詣切

映如蟬螻凌

朝霞

此段贊山茶仿退之南山筆意○羣芳譜山茶枝幹交加天孫兄宮扇蘇詩天孫爲織雲錦裳

詩周南註頽赤也參同契姹女黃芽章第廿五杜詩或紅如丹砂羣芳譜寶珠千葉含苞歷幾月而放殷紅若丹砂最可愛珊瑚兒讚佛詩班孟堅西都賦翡翠火齊流耀含英詩蠅螬在東子建洛神賦皎若太陽升

朝霞百年前是空王宅寶珠色相生光華長養端資鬼神

力優曇湧現西流沙歌臺舞榭從何起當日豪家擅閭

里芒奪精藍爲翫花旋拋先業隨流水兒郎縱博賭名

園一擲留傳猶在耳

此段言拙政園爲大宏寺基王御史侵之以廣其基也○圓覺經佛

爲萬法之王又曰空王佛國記僧泥羅國王以金等身鑄佛象髻裝寶珠楞嚴經無別爭居及金色相其人信受亡失先心身命歸依得未曾有黃庭內景經體生光華香氣蘭長養見遇南廂園叟法華經如是妙

法諸佛如來時乃說之如優曇華時一現爾流沙見龍
腹竹歌杜牧之阿房宮賦歌臺暖響書泰誓傳土高

曰臺有木曰榭豪家見圓圓曲三輔黃圖長安閭里

一百六十精藍見讚佛詩翫花見永和宮詞國語

亦能纂修其身以受先業流水見直溪吏徐孝穆詩

風流荀令好兒郎縱博見茸城行博場注名園見鴛湖

曲一擲見哭志衍左傳文七年穆嬴曰言猶在耳徐

健菴蘇松常道新署記王侍御有子弗克負荷以榜蒲

與里中豪士徐君決賭一擲失之後人修築改池臺石

徐君傳子及孫而生產亦耗矣

梁路轉蒼苔履曲檻奇花拂畫樓樓上朱顏嬌莫比千

條絳蠟照鉛華十丈紅墻飾羅綺鬪盡風流富管弦更

誰瞥眼聞桃李齊女門邊戰鼓聲入門便作將軍壘荆

棘從填馬矢高斧斤勿剪鶯鶯喜

此二段言園歸徐氏兵興爲鎮將所據也

○修築池臺本孟子張見蹟詩石梁雲外立路轉見

吾谷行蒼苔見讚佛詩陸魯望詩高窓曲檻仙侯府

李咸用詩奇花不敢妖畫樓見圓圓山朱顏見卞玉

京歌賈幼鄰詩千條弱柳垂青瑣白詩花房絳蠟珠

鉛華見玉京墓李義山詩本來銀漢是紅墻羅綺見

讚佛詩漢書張禹傳後堂理絲竹筦絃瞥眼見松

鼠吳越春秋齊使女爲質於吳吳王因爲太子波聘

齊女女少思齊日夜號泣闔閭乃起北門名曰望齊門

令女往遊其上戰鼓見東萊行荆棘見雒陽行馬矢

見汲古閣歌勿剪見礬清湖注歐陽永叔詩暖入鶯

簧舌漸調近年此地歸相公相公勞苦承明宮直宰陽和暗

迴幹長安日日披薰風花留金谷遲難落花到朱門分

外紅獨有君恩歸未得百花深鎖月明中此段言海昌陳相國得之

寶珠山茶爲江南僅見在政地十年不歸也○相公見

雁門尚書行詩母氏勞苦承明見送何省齋直宰

吳詩集卷七上

見廿五日詩史記秦始皇紀時在中春陽和方起張茂

先詩太儀幹運天迴地游

家語舜彈五絃之琴歌南

風之詩曰南風之薰兮

唐試帖有金谷園花發懷古

詩朱門見臨頓兒杜詩賞妍又分外

君恩未許杜詩故林歸未得

舊唐書楊貴妃傳如百

花之煥發許仲晦詩樓臺深鎖無人到落盡東風第一

花杜牧之詩鳳

樓空鎖月明天

灌花老人向前說園中昨夜零霜雪黃

沙淅淅動人愁碧樹垂垂爲誰發可憐塞上燕支山染

花不就花枝殷江城作花顏色好杜鵑啼血何斑斑花

開連理古來少並蒂同心不相保名花珍異惜如珠滿

地飄殘胡不掃楊柳絲絲二月天玉門關外無芳草縱

費東君着意吹忍經摧折春光老看花不語淚沾衣惆

悵花間燕子飛折取一枝還供佛征人消息幾時歸此五

段言相國再經譴謫遼海此花從未寓目層層摹寫感

嘆祝誦俱從花字生情極芊眠麗密之致○戴嵩字景

屏詩汲水灌花私雨露元詩宮邊老人爲余說史記

貨殖傳犯晨夜冒霜雪謝無逸詩黃沙似舒金浙浙

見送何省齋班孟堅西都賦珊瑚碧樹周阿而生杜

詩江邊一樹垂垂發漢書霍去病傳過焉支山干有

餘里一統志焉支山在甘州府山丹縣東南歐陽永

叔詩東皇染花滿春國岑參詩柳顰鶯嬌花復殷杜

詩江城含變態鮑詩念其霜中能作花又當時見我顏

色好杜鵑啼血見永和宮詞李義山詩後房點臂斑

斑紅晉書元帝紀連理之木杜詩並蒂芙蓉本自

雙張平子西京賦注帶花鼻也江總持詩長作照日同

心花名花見雕橋莊歌白詩落葉滿階紅不掃

李義山詩回頭更望柳絲絲韋端已詩滿街楊柳綠絲

烟畫出清明二月天後漢書班超傳但願生入玉門

關蘇詞天涯何處無芳草王晉卿詞經年費盡東君

力 漢書賈山傳雷霆所擊無不摧折 岑參詩三月灞

陵春已老 溫飛卿詩百舌問花花不語淚沾衣見圓

圓曲 惆悵見西田詩 隋煬帝詩宮木陰濃燕子飛

南史晉安王子懋傳有獻蓮花供佛者 張繪之詩欲

寄征人問消息 李義山

詩每朝珠館幾時歸

袁子才曰梅村之出山也海寧實推轂之

及出山而海昌之局已變

亦因海昌之勢衰也 按梅村送龔孝升云祇因舊

識當塗少坐使新知我輩輕與此說合 張如哉曰

此雖太息海寧兼亦為其仲女而詠故用花開連理

並蒂同心摧折春光看花不語等句皆兒女子語也

女厝志云女甥四五歲頗慧黠教之禮佛祈直方早

歸女凝視長吁云云

末二句正詠其事

短歌 曹孟德有短歌行 按梅村遣悶詩一女血淚

啼闌干舅姑嶺表無書傳而五言律送王子

彥南歸自注子彥近得孫余之外孫也又王增
城子彥罷官哭子留滯不歸近傳口信不得一
字詩以嘆之中有句云關心惟少子失計在微
官庾嶺應逢雁章江莫寄魚正與舅姑嶺表無
書傳相合又與此詩罷官嶺表歸來遲愛子摧
殘付托空相合此詩蓋爲子彥作耳廣東通志
增城知縣王瑞國江南太倉舉人順治
十四年任唐詩正姓氏王瑞國字子彥

王郎頭白何所爲罷官嶺表歸來遲衣囊已遭盜賊笑

襤被尚少親朋知

此詩苦徭役而作從王郎歸來起○

白見琵琶行

賈誼陳政事疏

稱病而賜罷嶺表見遣

悶孟東野詩不恨歸來遲

後漢書吳祐傳王陽以衣

囊傲名左傳哀十六年盜賊之矢若傷君

晉

書陸納傳出爲吳興太守臨發止有被襤而已

我書與

君堪太息不如長作五羊客君言垂老命如絲縱不歸

人且歸骨

四句中有一番客主是王郎歸來之由○番

羊城

皮襲美詩五羊城在蜃樓邊按增城縣屬廣州府

杜詩

垂老不得安又兩京三十口雖在命如絲江

詩

歸人望烟火左傳成三年

知罃曰壘臣得歸骨于晉

入門別懷未及話石壕夜

半呼倉卒肱篋從他悞攫金告緡憐我非懷璧田園斥

盡敝裘難苦乏家錢典圖籍愛子摧殘付托空萬卷飄

零復奚惜

此實寫追呼繁擾以見歸來之困○杜詩暮

莊子

將為肱篋探囊發匱之盜而為守脩列子人皆在

焉子攫人之金何張如哉曰漢書雋不疑傳不疑為郎

有同舍誤持其同舍郎金去同舍郎意不疑不疑買金

償之後同舍歸金亡金郎大慙悞攫金暗用此事

告

緡見茸城行左傳

桓十年匹夫無罪懷璧其罪田園

見蘆洲行按

斥如史記貨殖傳斥賣求奇緡物之斥零

見蘆洲行

按斥如史記貨殖傳斥賣求奇緡物之斥零

參詩青春換敝裘家錢見後東臯歌史記張儀傳按

圖籍愛子見閬州行陳後主詩摧殘枯樹影付托見

讀史雜詩飄

零見閬州行吁嗟乎十上長安不見收千山遠宦終

何益君不見鬱孤臺臨數百尺惡灘過處森刀戟歷遍

風波到故鄉此中別有盤渦石

六句感慨淋漓如聞嘆息之聲○戰國策蘇秦

說秦王書十上而說不行千山見雁門尚書行張道

濟詩蹉跎遠宦心鬱孤臺見送何省齋楊誠齋詩

惡灘洶洶雷出吼刀戟見行路難按鬱孤惡灘皆由增

城旋里之所經也風波見鴛湖曲盤渦見行路難

西巘顧侍御招同沈山人友聖虎邱夜集作圖紀

勝因賦長句

梅村顧開明祠堂記山東道御史漢陽顧公如華字西巘王丹麓南牕

文略予友雲間沈子友聖道風秀世才博遇窮

衡門樂饑雋聲遐播按唐詩正華亭沈麟字友

聖虎邱見
楚兩生行序

漢陽仙人乘黃鵠朝發三巴五湖宿春深潮滿闔閭城

剪得晴川半篙綠錦涇催動木蘭橈恣討名山縱心目

判牘揮毫撥若雲支笳屏騎從惟鹿

此段言侍御自楚入蜀由蜀入吳公

餘覽勝也○

大清一統志漢陽府在湖北布政使

司西北十里述異記荀環憇江夏黃鶴樓上望西南有

物飄然降白雲漢乃駕鶴之賓也陸璣詩疏黃鶴古人

常言之又多言鵠鵠卽是鶴音之轉後人以鵠名頗著

謂鶴之外別有所謂鵠漢昭帝時黃鵠下建章宮而歌

則名黃鶴按此則仙人乘鵠仍用黃鶴樓事耳寰宇記

費文禕登仙每乘黃鶴於此樓憇駕故名楚辭朝發

軼于天津兮譙周巴記劉璋分巴以永寧爲巴東郡墊

江爲巴郡閬中爲巴西郡是爲三巴五湖見贈雪航

春深見駕湖曲沈雲卿詩潮滿九江春一統志周敬王

六年闔閭使子胥築大城亦曰闔閭城卽今蘇州府城

又晴川閣在漢陽縣東北五里周美成詞平篙春水

滑一統志錦帆涇在吳縣城南盤門內蘇詩獻花游

女木蘭橈名山見讚佛詩心目見西田詩朱治閻

詩判牘日勾押揮毫見茸城行李詩撥雲尋古道張

復之詩衝寒試與小搢笻宋史蘇雲卿傳帥漕乃屏騎

從更服爲遊士入其圃易卽鹿无虞以從禽也晉書陶

淡傳于長沙臨湘山中結廬居之養一白鹿以自偶

蒼邱虎氣鬱騰驤一片盤陀徑廣場平座千人填語笑

危欄百尺沸絲簧夫差石上杯浮月歐冶池邊劒拂霜

花雨講臺孤塔迴風流捨宅六朝荒

此段總寫虎邱之勝因上文有恣討

名山語故不突然杜詩虎氣必騰上晉書夏侯湛傳

騰驤於四極之外劉文房詩空留一片石范致能詩

倦拂盤陀蒼石坐廣場見楚兩生行一統志劒池旁

有石可坐千人號千人石又曰千人坐俗傳因生公說

法得名

李義山詩輕命倚危欄文心雕龍視之則錦

繪聽之則絲簧

按吳地記所載始皇求劍擊虎中石

或云吳王試劍石而不紀其爲夫差夫差石應指此

吳地記

闔閭墓其下以扁諸魚腸等劍各三千殉焉故

池以劍名

按歐冶池即指劍池與上周芮公詩序指福

州府者不同蓋歐冶子本鑄劍故因池而及之越絕書

薛燭曰當造此劍之時歐冶乃因天之精神悉其伎巧

造爲大刑三小刑二

李詩胡霜拂劍花蘇州府志虎

邱山雨花亭

僅存廢址吳郡圖經續記虎邱寺前有高

僧竺道生講堂

蘇詩只尋孤塔認東西吳地記山本

晉司徒王珣與弟司空珉之別墅

捨爲會來此地探奇

東西二寺

羅鄴詩六朝空認舊江山

蹟薄晚迎流刺舟入攜手何人沈與吳詞客青衫我頭

白脫略才知與會直冥搜務取烟霞適火照靈湫暑月

寒鐘埋苦霧陰崖黑魯公擘窠字如斗忠孝輪囷鬼神

走蘇剝苔侵耿不磨手捫沉吟立來久重燒官燭奏鵝

絃今夕懽游逢快友後約須聽笠澤鶯臨分忍折閭門

柳

此段是招同沈友聖虎邱夜集也後約臨分漸引到作圖上○陸士衡漢高祖功臣頌獨昭奇跡

明詩

竹煙生薄晚顧瞻泰曰淮南子短袂攘卷以便刺

舟

攜手見西田詩王詩夙世謬詞客元詩青衫玉

貌何處去安得紅旗遮頭白

脫略見送周子俶世說

王恭與王建武每至與會故有相思時孫興公遊天

台山賦非夫遠寄冥搜烟霞見讀西臺記杜有奉同

郭給事湯東靈湫作季詩松風五月寒何仲言詩苦

霧黑晨流陰崖見吾谷行唐書顏真卿傳字清臣封

魯郡公天下不以姓名稱而獨曰魯公洞天清錄漢印

多用五字不用擘窠篆季義山詩碑高三丈字如斗

統志虎邱劒池唐顏真卿書生公講堂李陽冰書今并

存忠孝見臨江參軍輪囷見龍腹竹歌季詩悅悅如

聞鬼神驚時時只見龍蛇走吳子華詩青蒼蘇剝新

虞伯施詩階上綠苔侵退之送窮文吾立子名百世不

磨歐陽永叔詩嘆息但以兩手捫沉吟見送何省齋

徐鼎臣詩折花閒立久燒燭見汲古閣歌李詩官燭

未曾燃鵲絃見琵琶行詩今夕何夕百詩去歲歡遊

何處去後約見圓圓曲笠澤見送七里山塘五月天

何省齋閬門柳見送志衍入蜀

玉絲金管自年年江村茶熟橋成市溪館花開樹滿船

賀老一歌嘗月下泰孃雙槳即門前泥車瓦馬兒童戲

竹几蕉團估客眠

此段言遊人之多引起作圖故與蒼邱虎氣一段不複○山塘見玉京彈

琴歌

李詩玉簫金管坐兩頭江村見琴清湖元詩

夢覺茶香熟周爲憲詩城郭半淹橋市閭杜牧之詩

夜涼溪館留僧話江寧府志几案所供盆景舊惟虎刺

一二品而已近來花園子自吳中運至品日益多有天

目松瓔珞松海棠黃楊石竹蕭湘竹水冬青水仙小芭

蕉枸杞梅花之屬務取其根幹老而枝葉有畫意者更

以古斃佳石安置之一盆至數千錢〔元詩〕夜半月高

絃索鳴賀老琵琶定場屋〔按〕賀老指懷智〔劉夢得〕泰

孃歌引〔泰孃〕本韋尚書家主謳者〔北里志〕劉泰孃北曲

內小家女也雙漿見送何省齋〔晉西州曲〕樹下即門前

具〔潛夫論〕作泥車瓦狗馬騎倡俳諸戲弄小兒之萬事

〔朱子詩〕蒲團竹几睡曹騰佑客兄再觀打水

韶華有凋替烟蕪漸失層巒翠鼠竄迴廊僧舍空鴉啼

廢井漁扉閉赤幘黃驄佳氣浮姑蘇臺上春風細令出

天清鸛鶴高詩成日落溪山麗

〔此段言勝遊難常而適有佳遊更不可不作圖〕

也〔白詩〕勿歎韶華子凋替見送何省齋〔權載之詩〕

烟蕪斂暝色〔滕王閣序〕層巒聳翠鼠竄見松鼠奉頭

〔注〕杜詩小院回廊春寂寂許仲晦詩僧舍覆碁消白日

秦少游詩落紅滿地乳鴉啼李詩廢井蒼苔積漁扉

見避亂〔駱賓王詩〕青牛紺幘紅塵度〔北史〕裴果傳時

號黃驄年少後漢書光武紀論氣佳哉鬱鬱葱葱然

姑蘇臺見讀西臺記注

司馬退之詩次寥楚天

清柳子厚詩鶴鶴雲間舞

杜詩遲日江山麗

荀屐

籃輿逐後塵碧油簾舫夜留賓棲遲我已傷頽老歷落

君偏重散人好把丹青垂勝事可憑詩卷息閒身襄陽

寺壁摹羊祜句曲山圖補許詢

此段點明作圖○荀屐見廿五日荀屬補注籃

輿見縹緲峯明遠舞鶴賦逸翮後塵

元詩窓紙碧油

柳杜詩青簾白舫益州來梁簡文帝詩夜夜尚留賓

棲遲見贈陸生頽老見送何省齋晉書桓彝傳字茂

倫雅為周顗所重曰茂倫嶽寄歷落陸魯望有江湖散

人傳丹青見西田詩勝事見廿五日詩

張文昌詩

朝衣暫脫見閒身襄陽見送黃子羽晉書羊祜傳襄

陽百姓於峴山祜平生遊憩之所建碑立廟歲時享祭

焉大清一統志茅山在江寧府句容縣東南元和

志本名句曲以形似已字句曲有所容故邑號句容續

晉陽秋許詢字元度高陽人魏中領軍允元孫總角秀

惠衆稱神童長而風情簡素司徒掾辟不就按李義山詩但驚茅許同仙籍一統志漢茅楹得道隱句曲人稱茅君晉許邁字叔元一名映句容人侯考妙手生綃經想像兔毫點出雙瞳

王抱膝看雲見礪礪搭願藉草耽疎放半衲誰堪竺道

生一樽足擬陶元亮絹素流傳天壤存它年相見欣無

恙

此段就圖上作咏嘆正是咏嘆勝遊也○妙手見廿五日詩生綃見永和宮詞想像見西田詩許仲晦

詩更立螭頭運兔毫雙瞳見王郎曲世說顧長康畫人或數年不點目睛問其故曰四體妍蚩本無關於妙處

傳神寫照正在阿堵中按王字如汲古閣歌神王之王

抱膝見送何省齋王詩坐看雲起時磊礪見龍腹竹

歌

王詩搭願問樵客藉草見送龔孝升杜詩吾將終

疎放

張文潛詩半衲遮背是生涯高僧傳竺道生本

姓魏氏鉅鹿人

沈休文詩勿言一樽酒南史隱逸傳

陶潛字淵明或云字深明名元亮尋陽柴桑人

絹素

見送沈繹堂杜詩今人嗤點流傳賦戰國策名與天壤相敵也無恙見下相懷古黃鶴高飛王

笛殘舊游我亦夢湘沅峭帆此去應千里郢樹參差響

急灘飲君酒送君還王程長作畫圖看攜將老筆龍眠

輩寫盡江南江北山

與起處一段相應作結本是侍御楚人遊吳却說到自已吳人遊楚

而王程畫圖關合更為入妙末二句又推廣作圖也○

李詩黃鶴樓中吹玉笛詩有鳥高飛舊遊見遇劉雪

舫一統志湘江白廣西全州流至黃沙河入東安縣境

至石期市入永州府零陵縣境又沅水在常德府武陵

縣南按此亦指丙子典試湖廣也峭帆見贈穆苑先

杜詩郢樹發南枝參差見吾谷行崔道融詩却放輕

舟下急灘李詩飲君酒為君吟李頎詩春草是王

程畫圖看見六真歌元裕之詩老筆鬱盤盤龍眠見

清風使節圖山莊注黃

魯直詩江北江南飽看山

高凉司馬行

原註贈孫孝若

天清一統志廣

東高州府漢爲合浦郡高凉縣地百

詩四十着緋軍司馬孝若見吾谷行注按蘇州

府志孝若初授衢州府推官故用三衢橋袖語

陞高州府同知

故云高凉司馬

高凉司馬才如龍眼看變化疇人中豪華公子作能吏

刻苦不與尋常同十年太末聲名好隨牒單車向嶺表

猿嘯天邊雁北飛相思不斷如春草

起八句裝完題面豪華刻苦見家門

才地之盛太末嶺表紀故鄉遠宦之地猿嘯二句似跟

太末嶺表說下而已引入交情叙明作詩緣起也○如

龍見茸城行管子龍生於水被五色而遊故神變化

無日上下無時更記歷書故疇人子弟分散豪華見

青門曲能吏見贈家侍御宋史楊徽之傳勿刻苦爲

學漢書地理志會稽郡有太末縣一統志太末故城

今衢州府龍游縣治漢書匡衡傳但以無階朝廷故

隨牒在遠方注謂隨選補之常牒更記信陵君傳今單

車來代之何如哉嶺表見送杜于皇杜詩風急天高

猿嘯哀天邊見吾谷行孔齊書五郊樂歌斗東指雁北

飛周美成詞乍奈向一縷相思隔溪山不斷官清喜

范彥龍詩思君如蔓草謝靈運詩池塘生春草

得鄉園近載米嘗聞上山郡此去雖持合浦珠炎州何

處沾佳醞君言萬事隨雙屐浮踪豈必嗟行役婚嫁粗

完身計空掉頭且作天涯客官清四句設為問孝若之

枝是代孝若答也問者頗惜遠別即相思不斷之意掉

頭作客則不必近郡矣○蘇詩亂山深處長官清晉

書鄧攸傳吳郡闕守帝以授攸攸載米之郡惟飲吳水

而已張道濟詩山郡不滿郭後漢書孟嘗傳遷合浦

太守郡海出珠與交趾常通商販先時宰守多貪珠漸

徙于交趾郡界嘗到官未踰歲去珠復還韓詩乃反

遷炎州元史百官志嘉醞秋五品劉文房詩披榛

著雙屐詩父曰嗟予子行役後漢書向長傳男女

娶嫁既畢勅斷家事無相關身計見送沈繹江南賦稅

堂掉頭見六直歌序註天涯客見東萊行

愁連天笑余賣盡江南田京華權貴書盈寸笑余不作

京華信平生聲伎羅滿前襍被獨上孤篷船到日蘭芽

開百本飽啖荔枝寧論錢此承作客句而暢言之言不

而獨赴炎州也啖荔枝正與沽佳醞相對○唐書陽城

傳賦稅不時杜詩連天走窮谷漢書貢禹傳臣賣田

百畝以供車馬京華見贈陸生齊書王秀之傳三世

不事權貴西陽雜俎山茶花大盈寸聲伎見贈文園

公退之送李愿序才俊滿前襍被見短歌孤篷見避

亂劉孝綽詩蘭芽隱陳葉漢書龔遂傳令民口種百

本薤五十本葱飽啖荔枝見贈穆故舊三人腸幾轉

苑先陸務觀詩滿街丹荔不論錢

吳詩集卷七上

白頭老輩攤吟卷王宰丹青價自高周郎酒興愁來減

三衢橘柚廣州柑夢遶江南與海南吾谷霜楓迴首處

錯認枕榔是鄉樹

此段申言相思不斷之意夢遶江南與海南是兩地相思而錯認鄉樹寫

孝若之相思愈見作者之相思矣是進一層寫法

○陸士龍有羊腸轉賦老輩見題志衍畫杜詩王宰始

肯留真蹟丹青見西田詩價高見洗象圖

周郎見圓圓曲張如哉曰酒興用周瑜傳三爵顧曲事周書長孫

澄傳澄雖不飲酒而好觀人酣興

按王宰周郎皆故舊之姓合孝若為三人也一統志三衢山在衢州府常

山縣北元和志以州有三衢山因名

明統志衢州西安縣產獅橘書厥包橘柚錫貢一統志廣州府至京師八

千一百八十五里元和志廣州貢柑子

唐書藝文志達奚通海南諸蕃行記一卷吾谷見吾谷行謝靈運

詩曉霜楓葉丹

劉克莊詩錯認是天明枕榔見哭志衍張子壽詩里樹枕榔出

吳詩集覽卷七下

七言古詩四之下

魯謙菴使君以雲間山人陸天乙所畫虞山圖索

歌得二十七韻

蘇州府志海防同知魯超字文遠大興人生員康熙三年任十年調

京口船政同知程迓亭曰謙菴名超紹興人庚

子順天副榜歷官右通政江蘇布政使後漢書

寇恂傳使君建節銜命以臨四方雲間見哭

志衍唐書李泌傳著白者山人程迓亭曰陸灝

字平遠華亭人所題畫自署天乙山人虞山見

汲古閣歌按海防同知順治十八年移駐常熟

縣故有虞

山圖也

江南好古推海虞大癡畫卷張顛書士女嬉遊衣食足

丹青價重高璠璣不知何事今蕭索異聞只說姑蘇樂

西施案舞出層臺瑟瑟珍珠半空落聞道王孫愛畫圖

購求不惜千金諾此地空餘好事家扁舟載入他人橐

玉軸牙籤痛惜深丹崖翠壁精華弱

此段言蘇州昔為書畫之藪今成歌

舞之地書畫漸稀名山減色也每四句一小段是反襯

法○海虞見玉京墓序

圖繪寶鑑黃公望字子久號

一峯又號大癡道人平江常熟人唐書張旭傳蘇州吳

人每大醉呼叫狂走乃下筆世呼張顛嬉遊見鐵獅

歌史記管仲傳衣食足而知榮辱

價高見沈象圖劉

孝綽詩無以儷璠璣蕭索見哭志行

姑蘇見礬清

湖西施見茸城行徐晶詩秦樓案舞時老子九層之

臺起於累土瑟瑟見讚佛詩珍珠見臨頓兒張道濟

詩寒山上半空

史記索隱秦末多失國言王孫公子

尊之也

李詩一諾許他人千金雙錯刀

漢書揚雄

傳好事者載酒肴從之

玉軸見觀通天帖韓詩一一

懸牙籤痛惜見鴛湖曲

丹崖見歸雲洞李詩橫天聳

翠壁古歌菁華

已竭奉裳去之魯侯魯侯何太奇此卷留得無人知一

官三載今上計粉本溪山坐卧持九峯主人寫名勝百

年絹素猶蒼潤云是探微後代孫飄殘兵火遺名姓我

也菰蘆擁被眠舊遊屈指嗟衰病忽聽柴門枉尺緘披

圖重起籃輿興

此段先點出魯謙菴愛畫次點出陸天乙作畫次點出梅村見畫也亦每四句

作一小段○

詩魯侯燕喜通鑑唐紀李泌曰臣功太高

迹太奇

書三載考績史記范睢傳注凡郡長論課殿

貳歲盡遣吏上計

粉本見題志衍畫溪山見避亂淨

任子行住坐卧

一統志雲間有九峯三泖之勝詳九

峯草堂歌及九峯詩

北齊書韓晉明傳飲美酒對名勝

絹素見送沈繹堂按王介甫詩月團蒼潤紫烟浮蓋

咏茶也侯朝宗十萬圖記已借用於畫矣探微見洗

象圖注兵火見遇南廂園叟菰蘆見送杜于皇擁

被見送志衍入蜀舊遊見遇劉雪舫衰病見遣悶

廣韻緘封也穆天子傳天子大朝於黃之山乃披圖

視典籃輿

見縹緲峯烏目烟巒妙蜿蜒西風拂水響濺濺使君自

是神仙尉老我堪依漁釣船招直治畔飛黃鵠七檜盤

根走麋鹿寫就青山當酒錢醉歌何必諧絲竹魯侯笑

我太顛狂不羨金張誇顧陸

此段寔寫虞山圖而歌字在內○寰宇記虞山或曰

烏目山也烟巒見二十五日詩蜿蜒見松山哀一統

志拂水巖在常熟縣虞山之南嶺上風拂掠之則水倒

飛噴濺如雨木蘭詩但聞黃河流水鳴濺濺陳伯玉

詩聞道神仙尉懷德遂為鄰張如哉曰用漢梅福事

歐陽永叔詩老我倦鞍馬漁釣見磬清湖蘇州府志

致道觀在常熟縣西一里虞山南嶺下梁天監間嗣真

人張道裕建號招真治其遺跡有手植七星檜宋政和
七年改致道觀黃鵠見虎邱夜集圖按一統志七檜
堂在長洲縣南然此詩自指七星檜耳盤恨見清風使
節圖走麋鹿見讀西臺記晉書阮修傳以百錢掛杖
頭至酒店便獨酣暢王詩醉歌田舍酒左太冲詩何
必絲與竹山水有清音杜詩顛狂柳絮隨風舞金
張見行路難顧登臨落日援吟毫太息當年賢與豪請
陸見洗象圖

爲陸生添數筆絳雲樓榭舊東臯

此段是作歌既畢餘與不淺也有江上數

峯青之致

○登臨見送志行入蜀

李詩援毫投此詞

賢豪見贈家侍御

陸生見贈陸生

按潘次耕論子

美洗兵行

明末黨人多依傍一

二大老脫失路輒言坐

某人故牽連貶謫怨誹其君無所不至此自門戶習氣

牧齋而秉史筆三百年人物枉抑必多絳雲一炬有自

來矣則絳雲樓榭指錢氏也別載觚賸吳觚東臯見後

東臯草

堂歌

九峯草堂歌

并序

九峯草堂者青溪諸乾一進士所構也乾一取
第後未仕著書九峯山下每峯皆有卜築而神
山爲最明初彭素雲仙翁修真此山徵書至而
蛻去丹井尙存金蛇著異故名神鼉峯焉少叅
陸蘭陔誅茅山麓而其旁張王屋先生舊墅有
孫漢度能繼家風余詩中所援陸瑄張融益指

兩人也

九峯詳七律九峯詩
在江寧府上元縣東今云青溪諸乾一

按一統志青溪

者因青浦名之耳唐詩正姓氏青浦諸嗣鄧乾一
一松江府志嗣鄧字越臣精華錄訓纂諸公辛

丑進士未殿試遇通糧案起遭錮廢隱居九峯中
李詩所期俱卜築 一統志神山在青浦

縣南又名細林山 松江府志彭宏大法名通

微號素雲河南汝陽人洪武十四年始至細林

山結茅居之山舊有泉久涸一日純陽真人降

之謂素雲曰晚來當具一井助汝修持其暮雷

擊石罅遂成一井云明太祖遍求天下高人

司以聞廿七年秋八月二十一日清旦啟關沐

浴更衣趺坐遂翛然而逝是歲十月太祖命中

使鄭承恩入山宣召以羽化聞越月復遣中使

入山啟竈視之正身不倚長爪遶身命有司髡

以磚石繚以垣牆相傳其爪乘風化為金蛇似

蜥蜴而無足長三四寸今辰山猶有之取置器

中俄失所在 天隱子人之修真達性不能頓悟

故設漸門 錢原溥細林八詠序有石井源深

色瑩大旱不竭為丹井靈源 松江府志細林

山舊有神鼉仙館四字是呂純陽書筆法奇異

明嘉靖間為太守吳黃州取去今榜蓋臨本

〔又〕陸萬鍾字元量嘉靖四十四年進士監察御史歷任江西叅政子山哀江南賦誅茅宋王之

宅

〔松江府志〕

張之象字元超正德丙子舉人

鳴謙子就浙江按察司知事投劾歸卜築秀林

山〔又藝文志〕張王屋集按察知事張之象著

〔三國志〕

陸瑄字子璋遜弟齊畫張融字思光

佖山爲陳徵君眉公隱處吾友董得仲以詩文

爲此峯主人乾一葺徵君廢屋置祠而橫雲爲

李氏園相望則天馬峯有鐵崖舊墓機山則二

陸故宅也

〔一統志〕

佖山在青浦縣南舊傳有佖

氏居此故名

〔明史〕陳繼儒傳字仲醇

築室東佖山杜門著述有終焉之志屢奉詔徵

用皆以疾辭〔程迂亭曰〕得仲名俞號蒼水有

三岡識畧載松江諸事其述彭素雲又詳〔按〕蒼

水詳七言律雲間公讌

〔一統志〕橫雲山在婁

縣西北〔又〕干山在婁縣西北又名天馬山〔明〕

史文苑傳楊維禎字廉夫山陰人自號鐵崖詳

天馬山過鐵崖墓〔松江府志〕機山在橫雲後

南北相望以陸士衡得名山下有平原村亦以

機爲平原內史也圖經云崑山之北又有機雲

兩山以兄弟得名〔又〕二陸故居在崑山之陰相

傳二陸草堂在圓智寺爲士衡讀書處圓智教寺在干山乾一拉余同遊坐

客有許九曰沈友聖倪思曼及故人徐陳二子

而小司空張公尋攜尊至凡乞花場種藕塘仙

人棋枰厓將軍兵書鐵鎖并玉屏石牀龍洞虎

塔皆一時杖履所登歷故敘次及之其詳在九

峯誌中

〔按〕梅村太倉十子詩序以許旭九日爲第三沈歸愚師曰九日著有秋水集

友聖見虎邱夜集圖

周書郭彥傳贈小司空

張公說附後韓持國詩應許攜尊與抱琴

松

江府志陳繼儒結茅崑山之陽山爲二陸讀書

地植名花廟祀焉號乞花場

又薛山在佘山

東山下有羅池產藕甚佳

一統志薛山在福

泉山南佘山東山下嘗掘地得石曰玉屏又稱

玉屏山松江府志橫雲山在崑山東北其巔有

白龍洞潛通澱湖深不可測下有祭龍壇歲旱

禱焉

又明心教寺在上海縣西南六十里治

平間有希貳法師居此講經緇流愛而畏之號

曰義虎又普照寺本佘山東菴宋太平興國三

年聰道人開山治平二年賜額有道人塔下有

月軒旁有虎樹亭道人在山時有二虎隨侍道

人死虎亦死瘞之塔旁接佘山於九峯爲合然

下文云講虎經銷妙塔年似合用之

杜詩興來猶杖屨王詩明發更登歷

九峯草堂神鼉峯丹崖啟自彭仙翁終南曳杖來採藥

眼看江上飛虬龍紫泥欲下早蟬蛻掉頭不肯隨東封

金蛇三寸戲沙礫玉棺萬古懸虛空仙井曾經鬼神鑿

九還洗出桃花紅霓旌羽節往來過月明鸞鶴吟天風

此段見九峯爲仙靈窟宅尚未寫到草堂已自令人神往○丹崖見歸雲洞西河詞話雲間諸進士嗣郢董孝

廉俞諸君曾於重陽後作神山之會卽彭仙人棲神處

也時婁東吳學士偉業在座詩終南何有此借用曳

杖字出檀弓採藥見送何省齋王叔師離騷章句虬

龍鸞鳳以托君子西京雜記中書以武都紫泥爲璽

室加綠綈其上蟬蛻見送何省齋

注史記封禪書蒼余從巡祭天地諸神名山大川而封

禪焉陳後主詩太平無以報願上東封書說文礫小

石也玉棺見讚佛詩按建寧之武夷山半巖有懸棺

數十顧野王謂之地仙之宅此言玉棺懸空蓋亦其類

也仙井卽丹井見序隱丹經九還丹合九轉言九

遍循環也李詩紅入桃花嫩宋玉高唐賦霓為旌王

詩羽節朝玉帝江詩此山具鸞鶴往來盡仙靈逸史

引許澶詩天風吹下步虛九峯主人青溪曲上清謫受

聲又十里下山空月明

金門祿一鞭槐市撼鳴珂脫却朝衫友麋鹿地近寧移

許掾家身輕未辟留侯穀層閣欽欹俯碧潭迴廊窈窕

穿修竹同志相期四五人幽棲幾處依林麓陸瑒溪堂

薄宦成張融岸屋先人築曹唐道者伴吹笙註罷南華

理松菊原注道士曹耕雲同隱葉落閒階闥苑鐘熏香小史清如

玉此段言乾一卜築草堂為九峯作主人也○尊鄉偶

筆予同年諸進士嗣郢好奇土築室九峯間自號九

峯主人太真經三清之間各有正位聖登玉清真登

上清仙登太清金門見贈文園公一鞭見臨淮老妓

行槐市見行路難徐孝穆詩飛蓋響鳴珂脫朝衫見

壽龔芝麓世說支道林問孫興公君何如許掾按許

掾謂詢也史記留侯世家乃學辟穀道引輕身沈

休文詩送日隱層閣晉書桓彝傳歎歎歷落宋延清詩

碧潭可遺老迴廊見虎邱夜集圖窈窕見遺問其五

枚叔兔園賦修竹檀欒夾池水唐書韋嗣立傳封嗣

立逍遙公名所居曰清虛原幽棲谷林麓見吾谷行

溪堂見送周子似南史陶潛傳弱年薄宦不繫去就之

迹又張融傳上問其從兄緒緒曰融近東出未有居

止權牽小船於岸上任唐詩紀事曹唐字堯賓桂州

人為道士太和中舉進士累為諸府從事張如哉曰吹

笙暗用王子晉事舊唐書明皇紀天寶元年二月莊

子號為南華真人所著書改為真經淵明歸去來辭松

菊猶存韓致光詩獨立俯閒階李義山詩蓬島州霞

閨苑鐘劉孝威詩羅衣似適熏黃魯直有謝友惠寶

熏香詩北史徐之才傳又以小史好嚼筆故常執管就

元文遙口曰借君主人詩酒真人豪好將蹤跡從漁樵

齒如玉見西出詩

痛飲恕人容水部

原注乾一善飲而余口不識杯勺

長吟懷古繼龍標

名高仕宦從教懶金盡妻孥任見嘲是處亭臺添布置

到來賓客共逍遙精藍每與支公會

原注支公指大禪和尚

快友

還將董相招

原注得仲

我輩漫應誇隱遁此君猶復困蓬蒿

小園涉趣知能賦中歲離愁擬續騷右手酒杯澆塊壘

雙眸書卷辨秋毫

原注得仲目疾復明

此段寫乾一

見行路難

何仲言詩

予念返漁樵

世說王孝伯曰

但得常無事痛飲讀離騷可稱名士陶詩君當恕醉人

南史陳暄傳與兄子秀書曰何水曹眼不識而鑑吾口

不離瓢杓

杜詩新詩改罷白長吟懷古見鄭世子傳

唐詩紀事王昌齡字少伯江寧人

一統志昌齡明皇時

以秘書郎謫龍標尉又龍標故城今湖南辰州府黔陽

縣治韓非說難所說出于為名高者也史記平準書

市井之子孫不得仕宦為吏

戰國策黃金百斤盡子

瞻表妻孥之所竊笑

文心雕龍布置物類撮題近意

逍遙見退谷歌

精藍見讚佛詩支公見宿福源精

舍

漢書董仲舒傳

天子以仲舒為江都相

隱遁見

避亂

晉書孟嘉傳

此君小異蓬蒿見雁門尚書行

何仲

子山有小園賦

淵明歸去來辭園日涉以成趣

何仲

言詩中歲多乖違

史記屈原傳

離騷者猶離憂也季義

山詩賦續楚離騷

晉書畢卓傳

卓常謂人曰右手持

酒盃左手持螯蟹

世說王大曰阮籍胸中壘塊故須酒

澆之張如哉曰

世說是王忱又壘塊本或作磊隤此詩

倒作塊壘非是當作壘塊

白詩雙眸剪秋水鮑詩昭

晰辨

憶昔溪山正全盛徵君比屋開三徑筍屐籃輿鶯

秋毫

燕忙酒旗歌板花枝映處士詩成猿鳥知尚書畫就烟

巒潤客過嘗逢太守車書來每接高僧信李氏名園士

女遊徐公別墅琴尊興

原注文貞別業在西余

禊飲壺觴妙妓絃

餅師粬糗山翁印

原注眉公好說餅市者以為名用憶昔二字開下兩段此段追寫九峯

盛時在乾一卜築以前○溪山見避亂全盛見遇劉雪

舫徵君見蘇門高士圖按徵君應指仲醇尚書大傳

周人可比屋而封三徑見遣悶筍展見二十五日詩

補注藍輿見縹緲峯蘇詩公子歸來燕燕忙李長古

詩試問酒旗歌板地杜牧之詩深感杏花相映紅按

一統志余山穠郁深秀明陳繼儒施紹莘隱此則處士

指比屋之人而不指仲醇方與上下文勢相合王元長

詩猿鳥時斷續明史陳繼儒傳同郡徐階特器重之

長為諸生與董其昌齊名尚書見畫中九友歌烟巒見

二十五日詩漢書百官志每郡置太守一人通典漢

景帝中元二年更名郡守為太守隋書經籍志高僧

傳六卷陳繼儒傳性喜獎掖士類屢常滿戶外片言酬

應莫不當意去暇則與黃冠老衲窮峯泖之勝徐公

出戰國策此借用別墅見送沈繹堂注王子安詩琴樽

俗事稀明史徐階傳字子升松江華亭人武英殿大學士贈太師謚文貞

楔飲見畫蘭曲淵明歸去來辭舉

壺觴以自酌張茂先詩妙妓絕陽阿

全唐詩話寧王

取賣餅者妻問曰汝憶餅師否又賣餅師見又詠古楚

辭柜枚蜜餌

有餽餽些

西風急浪五湖天四月江村響杜鵑仙客

棋枰拋浩劫道人局鐫隱殘編乞花何處花如錦種藕

曾無藕似船鐵笛已稀天馬逝玉屏雖在石牀鐫豢龍

洞暗荒祠雨講虎經銷妙塔年

此段追寫九峯衰時亦在乾一卜築以前將仙

人棋枰兵書鐵鎖花塲藕塘玉屏石牀龍洞虎塔登歷之地皆納入其中

宋延清詩乳沫跳急浪蘇詩相逢

卵色五湖天

江村見磬清湖王詩千山響杜鵑唐

元宗詩仙客厭人間梁武帝圍棋賦枰則廣羊文犀注

枰木名其木可為棋局故棋局曰枰隋書經籍志一成

一敗謂之一劫自此天地以前則有無量劫矣張如哉

曰浩劫兼用棋中之劫秦少游詞翻身整頓着殘棋沉吟應劫遲局矯見二十五日詩殘編見送周子俶

如錦見王京墓韓詩太華峯頭玉井蓮花開十丈藕

如船松江府志楊廉夫自稱鐵笛道人按元詩選作

鐵簫左傳昭二十九年劉累學擾九峯主人三歎息

龍於豢龍氏妙塔見遇南廂園叟

赤烏臣王直相得儒將雍容羽扇風歌鍾檠戟王侯宅

勲業將衰文字興江山秀弱機雲出寶玉空埋劍影寒

蘆花一片江湖白英雄已往餘氣在後來往往生遺佚

青史人間歲月邁老鐵歌殘歌白石原注眉公自稱白石山人此段俯

仰今昔感懷係之見乾一非枯隱一流○禮一唱三歎

三國志吳赤烏元年詔曰問者赤烏集於殿前朕

所親見改年宜以赤烏為元按赤烏臣謂遜抗也見茸

城行三世為將注相得見雕橋莊歌薛大拙詩儒將

不須誇卻穀雍容見送施愚山晉書顧榮傳祖雍吳丞相吳平榮與陸機兄弟同入洛陳敏反南渡江榮起兵

攻敏敏率萬餘人出不獲濟榮揮以羽扇其眾潰散國語鄭伯納女樂二入歌鐘二肆樂戟見壽蘼芝麓古

詩王侯多第宅杜詩勲業青冥上帝王世紀蒼頡造文字世說士龍為人文弱可愛晉書庾亮傳埋玉

樹於土中衛象詩鷓鴣新淬劍光寒王詩一片揚州五湖白晉書天文志日月者陰陽之餘氣也楚辭

歲忽忽而邁盡兮明史楊基傳于座上賦鐵笛歌維楨驚喜語從遊者曰吾在吳又得一鐵矣若曹就之學

優于老鐵學也一統志白石山寮在青浦縣東余山明陳繼儒棲隱處我聽君談意悽哽

停樽不御青燈耿相看徐孺與陳郎原注閻公大樽之子雜坐迂

倪原注思曼偕瘦沈原注友聖彊項還推一老生江都著作攄孤

憤原注得仲屐齒俄聞到茂先一坐傾靡再張飲有客依人

話過秦

原注客有談關中事

無家二子同哀郢

原注即徐陳二子

感舊思

今涕淚多荒鷄喔喔催人寢

此段點出同遊之人宵深高語令讀者神遊其際○

南史晉熙王昶傳左右莫不哀哽

杜牧之詩停樽遲

晚月

鮑詩停觴不御欲誰須

劉子翬詩青燈耿柴門朱

子詩傳耿耿小明也

相看見雁門尚書行後漢書徐

穉傳字孺子

南部新書陳嶠已耳順矣賦催粧詩曰彭

祖尚聞年八百陳郎猶是小孩兒按此皆借用字徐陳

說附後

雜坐見遇劉雪舫迂倪見玉京墓南史沈約

傳革帶常應移孔以手握臂率計月小半分

蘇詩沈郎

清瘦不勝衣按倪沈亦借用也

後漢書董宣傳帝令

小黃門持之使宣叩頭謝主宣不從彊使頓之宣兩手

據地終不肯俯因勅彊項令山老生見磬清湖

江都

見上注按孤憤韓非子篇名

南史謝靈運傳常著木

屐上山則去其前齒下山則去其後齒晉書張華傳字

茂先

漢書司馬相如傳一坐盡傾戰國策張樂設飲

郊迎三十里

依人見遇劉雪舫按賈生有過秦論三

篇詩樂子之無家按哀郢楚辭篇名晉書祖逖傳逖中夜聞荒鷄鳴白詩喔喔鷄下樹九峯九

峯空巘岼朝來重上仙翁壇浮生感嘆誠無端拂衣長

嘯投漁竿烟波一葉愁風滿願君授我長生訣攜向峯

頭萬仞看此段欲與乾一偕隱而點歸仙壇更拓一步

微之傳西山朝來浮生見二十五日詩拂衣見贈

家侍御長嘯見壽龔芝麓嵇叔夜詩放櫂投竿唐太

宗詩烟波澄舊碧一葉見鴛湖曲嚴季鷹詩懶眠沙草

愛風湍長生見西田詩陸魯望詩萬仞峯排千劍

束孤舟夜繫峯頭宿

按松江府志張有光星燦工部員外張翼軫宿夫張

方健懋倩張安茂子美張雲孫天士皆工部主事不

知小司空孰是也程迓亭張如哉俱謂即張宏軒侍

御按履齒二句與宏軒合詳送別倩扶女郎閻公

大樽之子張如哉曰徐孚遠字闇公陳子龍字大樽
非以闇公爲大樽子也程迓亭曰徐陳二子徐昭法
與陳闇公也徐崧百城烟水徐枋字昭法崇禎壬午
舉人父少詹事汧乙酉殉難枋隱于上沙窮卧以死
闇公陳大樽子也按迓亭與梅村同里所見宜審然
明史夏允彝傳與子龍孚遠結幾社而孚遠字闇公
見明詩綜大樽旣與徐闇公同執牛耳何以
又令其子與闇公同字乎願質之博聞者

徐健菴將之九峯寄諸乾一詩海郡霏微九點青
餘谷水接林垌懷賢千載名常在修禊羣公屐每停
到後賓朋留譜牒傳來詩句當圖經玉山佳處榛蕪
久百里今看聚德星一卧滄江歲月徂季鷹逸少
是吾徒狂吟那少詩千首豪興曾開飲百壺白髮著
書推董相得仲紅牙顧曲識周瑜子儼此中饒有青
雲侶得句爭探象罔珠述異記青溪諸嗣郢習元
門之學築精室佗山號九峯山人晚年無疾騎鶴化
去後忽寓書於崑山葉詡菴筆迹宛然寄仙茅
三兩仙家騎鶴化最難得謂手抱一膝坐化也

觀王石谷山水圖歌

居易錄王翬字石谷自號烏目山人常熟人蘇州府志石

谷幼嗜畫運筆構思天機迅露迴出時流太倉王鑑遊虞山見其所畫扇大驚異請相見翬遂執弟子禮鑑卽載之歸與奉常時敏邀致西田別墅悉發所藏相與探尋翬逐一臨摹自董巨而下至黃王倪吳諸家盡得其用筆之法

世間勝事誰能識兵戈老盡丹青客直宰英靈厭寂寥

江山幻出王郎筆王郎展卷閒窓淨良久呼之曾不應

剪水雙瞳鎮日看側身似向千峯進

前四句點出石谷下四句見其學畫

精專也○勝事見題虎邱圖

蔡文姬胡笳拍兩國交

歡兮罷兵戈

直宰見九友歌英靈見鐵獅歌老子寂

兮寥兮

唐書張說傳既謫岳州而詩益悽惋人謂得

江山助云

于敖詩寧止閒窓夢不成

梅村王石谷

贈行詩序石谷曰吾行若遺坐若忘晝不食夜不寐贖

探冥索以與古人相遇於微渺之中凡歷三五年而所

學始大就剪水雙瞳見王郎曲朱子詩鎮日空掩門

側身見退谷歌西田詩了了見干峯可以攜手入即

此句一時儒雅高江東氣韻吾推里兩翁師授雖直肯

注脚沿襲後生更自開蠶叢取象經營巧且密丰神點拂天

然中頓挫淋漓寫胷臆研精毫髮摹宗工

為前輩所限而又能追摹前輩也○漢書王章傳緣飾

儒雅晉書王坦之傳江東獨步王文度輟耕錄論畫

三品氣韻生動出於天成人莫窺其巧者謂之神品按

兩翁謂太常廉州也見九友歌魏書彭城王勰傳睿

性過人學不師授唐書杜甫傳贊競相沿襲華陽國

志周失綱紀蜀侯蠶叢始稱王李詩見說蠶叢路崎嶇

不易行易仰則觀象於天俯則觀法於地觀鳥獸之

文與地之宜近取諸身遠取諸物杜詩意匠慘澹經營

之畫見其不

之畫見其不

中巧密見松鼠張淮詩南威不敢鬪丰神又通空青

賦點拂濃薄如隱如見南史王僧虔傳天然勝羊欣功

夫少於欣唐書杜甫傳至沉鬱頓挫隨時敏給淋漓

見送沈繹堂胸臆見臨江叅軍尚書序研精覃思博

考經籍杜詩毫髮無遺憾廣陵花月扁舟送貴戚豪華

按宗工如君之宗之之宗

盛供奉不惜黃金購畫圖好奇往往輕南宋妙手裝潢

技絕倫殘縑斷墨俄飛動闔閭城下收藏家誅求到骨

愁生涯僅存數軸用娛老載去西風響鹿車此段見南

多以起下文○廣陵見東萊行豪華見青門曲供奉

見王郎曲好奇見洗象圖宋史高宗紀贊宋傳九世

而徽欽陷于金高宗續圖于南京妙手見二十五日

詩裝潢見汲古閣歌絕倫見哭志衍輟耕錄人有殘

縑敗素繪一山水愛之若寶飛動見汲古閣歌闔閭

城見虎邱夜集圖收藏見讀西臺記誅求到骨見遇

南廂園叟生涯見塗松晚發宋史王曾傳合中送數軸簡紙漢書敘傳疏克有終散金娛老鹿車見遣悶

君也侯門跋珠履晴日湘簾憑畫几奕罷雙童捧篋來

狎客何知亦咨美笑持茗碗聽王郎鑒別妍蚩臻妙理

作者風流異代逢賞心拊掌王孫喜枉買青娥十萬錢

移人尤物惟山水

此段見石谷到處有逢迎既工繪事又精鑒別也○侯門見圓圓曲說文

跋進足有所擷取也

杜詩欲向何門跋珠履珠履見送施愚山湘簾見玉京墓序司空文明詩憑几雙童靜

鄴中記石虎之几悉漆雕畫皆為五色

東京夢華錄

少年狎客往往隨後左傳僖三十二年爾何知唐書李

延壽傳常撰太宗政典高宗觀之咨美不置

韓詩名

盪纖纖捧

丹鉛錄晉孟嘉論樂曰漸近自然此語殊

有鑒別晉書顧愷之傳四體妍媸北史高允傳天下妙

理至多

作者見送沈釋堂

謝靈運擬魏太子詩序

天下良辰美景賞心樂事四者難并拊掌見琵琶行序
王孫見題陸山人畫青蛾見臨淮老妓行左傳昭

二十八年夫有尤物足以移人王郎馳譽滿通都軟裘快馬還東吳道

邊相識半窮餓致身猶是憂妻孥美君人材為世出盛

年絕藝須難得好求真訣走名山粉本終南兼少室攬

取荆關入掌中歸帆重補烟江色諸侯書幣迷深處搦

管松根醉箕踞絹素流傳天壤間白雲萬里飛來去此

段

反覆咨美之意○唐書閻立本傳右相馳譽丹青通都
見王郎曲軟裘快馬見雪中遇獵東吳見磬清湖注

杜詩路逢相識人致身見雁門尚書行史記司

馬相如傳其人才足倚也邱希範與陳伯之書勇冠三

軍才為世出子建洛神賦怨盛年之莫當絕藝見王

郎曲真訣見送杜欽武名山見送何省齋粉本見

題志衍畫唐書盧藏用傳與兄徵明偕隱終南少室二
山荆關見題志衍畫柳子厚馬退山茅亭記攬不盈
掌何仲言詩歸帆得望家韓致光詩遠隨漁艇泊烟
江儀禮宰書幣命宰夫官具白詩擗管趨入黃金
闕按此句用王詩科頭箕踞長松下意絹素見贈吳
錦雯流傳天壤見虎邱夜集圖李君虞詩江亭萬里
雲杜牧之詩來去且無機

京江送遠圖歌 并序

京江送遠圖歌者石田沈先生周爲吾高祖遜
菴公之官敘州作也圖成於宏治五年辛亥之
三月京兆祝公希哲允明爲之序後一百七十
有八年公之四世孫偉業謹案京兆序而書之

曰公諱愈字惟謙一字遯菴成化乙未進士授

南京刑部主事進郎中清慎明敏號稱職先後

九載南司寇用宏治三年詔書得薦其屬將待

以不次疏未達而命守敘州

京江見遺悶詩遠送于野石田見後

東臯草堂歌

蘇州府志

吳愈字惟謙凱子成

化乙未進士授

南京刑部主事

歷員外郎中出

知敘州府遷河南叅政致仕歸

明史地理志

四川敘州府洪武六年六月置

按宏治明孝

宗年號

漢書百官表

內史周官秦因之掌治

京師武帝太初元年名京兆尹

按江寧府即明

應天府為南京故曰京兆明史文苑傳祝允明

字希哲長洲人遷應天府通判

按宏治五年

後一百七十八年我

大清康熙九年也

乙未成化十一年

南司寇南京刑部尚書按

明史孝宗紀不載三年詔書選舉志宏治十二年復詔部院大臣各舉方面郡守吏部因請依往年御史馬文升遷按察使屠濬遷僉都御史之例超擢一二以示激勸而未經大臣薦舉者亦兼采之並從其議此俱宏治三年以後事然曰復詔曰依往年則前此必已有詔矣超擢一二卽所謂待集作嘗爲守旣常調調非敘又險且遠以不次者也

公獨不以爲望南中諸大僚爲文以寵其行太僕寺丞文公宗儒林旣已自爲文又遍乞名人之什以贈文公之子待詔徵仲璧卽公壻也石田爲文公執友待詔親從之受畫法京兆之交在文氏父子間故石田爲作長卷題以短歌而

京兆序之長卷中平橋廣坡桃柳雜植有三峯
出其上離舟揮袂送者四五人點染景物皆生
動短歌有荔支初紅五馬到江山亦爲人增奇
之句其風致可想見焉京兆文典雅有法度小
楷倣鍾太傅體尤其生平不多得詩自都元敬
以下十有五人朱性甫存理劉協中嘉綰尤以
詞翰著名者也

北史杜弼傳以常調除侍御史
唐書選舉志三歲而又試三試

而不中第從常調

莊子彼其道遠而險

史

記張耳陳餘傳

陳餘怒曰不意君之望臣深也

索隱曰望怨責也

書尙爾事有服在大僚

宋史丁謂傳帝賜宴賦詩以寵其行

蘇州府

志文林字宗儒成化壬辰進士授永嘉知縣補
博平陞南京太僕寺丞乞歸卽家起爲温州知
府明史文苑傳文徵明長洲人初名璧以字
行更字徵仲別號衡山父林温州知府徵明以
歲貢生詣吏部試奏授翰林院待詔文筆徧天
下崑新合志愈有女三人歸陸伸文徵明王銀
禮執友稱其仁也晉書禮志父之執友有如
子之禮明史文苑傳徵明學畫於沈周短
歌見短歌按京江有金焦北固三峯應指此
何仲言詩離舟懽未極阮詩揮袂撫長劍
點染見畫蘭曲景物見洗象圖唐書地理志
戎州貢荔支煎元和志焚道縣出荔支一樹可
收五十斗戎州卽焚道縣大清一統志焚
道故城今敘州府宜賓縣治珊瑚鈎詩話五
馬之事不見于書以詩言之子子干旗在浚之
都素絲組之良馬五之周禮注云州長建旗大
守視之漢御五馬或云古乘駟馬車至漢太守
出則加一馬江山見觀石谷圖六帖崔遠

風致峻整

〔魏文帝典論〕偉長著中論二十篇

成一家之言辭義典雅足傳於後退之柳子厚

墓誌其經承子厚口講指畫爲文詞者悉有法

度可觀

小楷見玉京墓序〔三國志鍾繇傳〕字

元常魏太傅封定陵侯

〔明詩綜〕都穆字元敬

吳縣人宏治己未進士授工部主事歷禮部郎

中加太僕寺少卿致仕有南濠詩畧朱存理字

性甫長洲人有野航漁歌鶴岑集程迓亭曰吳

中先賢傳劉昌博學多聞歷官廣東左參政子

嘉綽少稟家學亦工詩文〔南史〕王儉傳甚嫻

詞翰先朝自成宏以來一郡方雅之族莫過文氏

而吾宗用世講相輝映當敘州還自蜀叅政河

南而文太僕丞出爲温州守待詔以詩文書畫

妙天下晚出而與石田齊名其於外家甥舅中

表多有往還手蹟偉業六七歲時見吾祖封詹
事竹臺公所藏數十紙今大半散失猶有存者
此卷比之它裘日月爲最久衰門凋替不知落
於何人乃劫灰之餘得諸某氏質庫中若有神
物擁護以表章其先德不綦幸乎吾吳氏自四
世祖儀部冰蘖公以乙科起家叅政再世滋大
父子皆八十有重德其行畧具吳中先賢傳中
偉業無似不能闡揚萬一庶幾邀不朽於昔賢
之名蹟而藉手當世諸君子共圖其傳是歌之

作見者其有以教之也

成化明憲宗年號

晉

周覬毋李氏傳李氏遂得爲方雅之族

官箴

同僚之契交承之分有兄弟之義至其子孫亦

世講之張如哉曰按史記甘茂傳注講讀曰媾

又史記虞卿傳發重使爲媾戰國策作講此云

徵仲卽公壻也則世講講字亦宜讀媾謝靈運

詩雲日相輝映漢書竇嬰田蚡傳上曰俱外

家詩豈伊異人兄弟甥舅中表見贈文園公

手迹見觀通天帖梅村伯祖玉田公墓表贈

嘉議大夫少詹事諱議余祖也說文衮書衣

也周替見送何省齋劫灰見避亂舊唐

書德宗紀又取僦櫃質庫法拷索之唐書劉

禹錫傳居易言其詩在處應有神物護持漢

書武帝贊表章六經蘇州府志吳凱字相虞

中順天鄉試宣德中授刑部主事改禮部主客

司梅村墓表五世祖凱前明永樂間舉孝廉官

禮部主事年三十以養親迄歸遂不出世稱貞

孝先生高祖愈成化進士官河南叅政並見吳
中先賢傳玉田公墓表自禮部公以下大叅鴻
臚三世皆葬於鹿城按儀部禮部也漢書儒林
傳平帝時歲課甲科四十人為郎中乙科二十
人為太子舍人國語故能保世以滋大阮
紫坪曰吳中先賢傳王元美著禮寡人雖無
似也願聞所以行三言之道晉書孫楚傳制
禮作樂闡揚道化不朽見送杜岌武後漢書
衛颯傳政有名迹左傳昭十
六年韓宣子曰敢不藉手以拜

京江流水清如玉楊柳千條萬條綠舫勞勞送客亭

句吳人去官巴蜀

韻會句居侯切
音溝集作勾

巴蜀東南棘道開夷

牢山下居民屋諸葛城懸斷棧邊李冰路鑿巔崖腹不
知置郡始何年卽敘西戎啟荒服吾祖先朝事孝宗清

郎遠作蠻方牧家世流傳餞別圖知交姓字摩挲讀起

句是京江畫舫二句是送遠巴蜀六句點出敘州吾祖

四句點出為敘州守及作圖也○杜牧之詩京江水清

滑如玉見西田詩劉夢得詩千條金縷萬條絲畫

舫見贈文園公輿地志新亭隴有望遠樓一名勞勞樓

後為滄海觀在江寧縣南古送別之所李詩天下傷心

處勞勞送客亭史記吳太伯世家太伯之奔荆蠻自

號句吳索隱以吳言句者夷之發聲猶言于越耳後漢

書光武紀注蜀有巴郡故總言之炎微紀聞棘人在

漢為犍為郡在唐為于矢部蓋南詔東鄙也天清

一統志夷牢山在敘州府宜賓縣西南又漢陽山在

敘州府慶符縣北八十里今崖壁上鐫武侯征蠻故道

六字陸務觀詩馬經斷棧危無路按蜀守李冰見漢

書溝洫志一統志赤崖山在宜賓縣西北其崖嶄峻不

可鑿李冰積薪燒之故其處懸崖有赤白元黃五色劉

夢吉詩百丈逢顛崖一統志敘州府禹貢梁州之域

秦為西南夷地漢建元六年置犍為郡屬益州按詩云

不知始何年者見其險且遠耳（書西戎卽敘父）五百里荒服（國語荒服者王）（杜詩）吾祖先朝傑孝宗見殿上行（清郎見清風使節圖詩）用過蠻方（知交見送周子俶摩挲見行路難）先達鄉邦重文

沈太僕絲蘿共華省徵仲當時尙少年後來詞翰臻能品師承父執石田翁婉致姻親書畫請相城高卧灑雲烟話到相知因笑肯太守嚴程五馬裝山人尺素雙江景草色官橋從騎行花時祖帳離尊飲碧樹遥遥別袂情青山疊疊征帆影首簡能書枝指生揮毫定值殘醒醒狂草平生見儘多愛看楷法藏鋒緊徵仲關心畫後題石田句把前賢引杜老曾遊擘荔支涪翁有味嘗苦

筍〔原注〕唐戎州宋紹聖四年始改爲敘杜子美客遊詩有輕紅擘荔支之句黃山谷貶官作筍賦言苦而有

味官况似之故石此地居然風土佳丈人仕宦堪高枕

田短歌引此相贈

此段歷敘作文作圖作跋作詩之人而太守嚴程六句

皆圖中之景序次歷落參差入妙○後漢書朱暉傳初

暉同縣張堪素有名稱暉以堪先達鮑詩遊子思鄉邦

古詩與君爲婚姻免絲附女蘿華省見送沈繹堂

輟耕錄論畫三品得其形而不失規矩者謂之能品

後漢書藝林傳序其師資所承禮記見父之執〔注〕父之

執同志之友也〔天清一統志〕相城在蘇州府元和

縣東北五十里稱村沈伊在詩序石田沈先生之隱相

城也高卧見退谷歌雲烟見西田詩太守見九峯草

堂歌韓詩嚴程迫風帆山人見送沈繹堂陸士衡文

賦含綿邈於尺素〔按〕敘州府有大江與馬湖江故黃魯

直戎州舍利塔銘鈎帶二江撫有蠻獠然圖內應屬南

京送別之景則以江寧之大江中江爲雙江也〔王介甫〕

金陵懷古詩霸祖當年取二江〔王詩〕官橋祭酒客更

王詩集卷七下 二

記信陵君傳從騎皆竊罵侯生 花時見詠山茶花序
漢書疏廣傳公卿大夫故人邑子設祖道供張東都門
外按張與帳通更記高祖紀復留止張飲三日注張幃
帳也駱賓王詩離尊綠蟻空 許仲晦詩一尊酒盡青
山暮千里書迴碧樹秋左傳昭二十五年遠哉遙遙王
子安詩別袂慘江垂 鄭守愚詩湛湛清江疊疊山何
仲言詩無由下征帆 禮王制注簡記策書也明史祝
允明傳生而枝指故自號枝山 揮毫見茸城行詩小
雅傳病酒曰醒 墨藪張旭草入神品常飲酒大醉呼
叫狂走或以頭髮濡墨而書 晉書衛恒傳上谷王次
仲始作楷法書訣用筆如印泥畫沙貴藏鋒也 鮑詩
萬事不關心 前賢見讀西臺記 按子美稱為老杜
蓋本于子美詩君不見西漢杜陵老 宋史黃庭堅傳
字魯直謫黔戎時假涪州別駕自號涪翁初游潛皖山
谷寺石牛洞樂其林泉之勝自號山谷道人云羣芳譜
魯直賦苦筍云苦而有味如忠諫之可活國多而不害
如舉士而能得賢可謂得擘筍三昧 一統志敘州府
梁大同十年置戎州宋政和四年改曰敘州按方輿覽

勝作紹聖四年改與宋志不同〔一統志〕敘州府土產苦筍荔支〔後漢書張堪傳〕問其風土〔丈人出史記〕

匈奴傳〔按〕徵仲為遯菴堦故云丈人仕宦非泛用也高枕見避亂〔鳴呼孝宗之世〕真成

康相逢骨肉游羲皇瞿塘劍閣失險阻出門萬里皆康

莊雖為邊郡二千石經過黑水臨青羌旄牛徼外無傳

埃鐵鎖江頭弗置防去國豈愁親故遠還家詎使鬢毛

蒼〔此段追寫中葉之盛妙從敘州點染而去國親故仍歸到送遠上〕○孝宗見殿上行〔唐書太宗紀〕贊致治

之美庶幾成康〔淵明誠子書〕便自謂羲皇上人〔瞿塘劍閣見哭志衍〕〔爾雅〕五達謂之康六達謂之莊

漢書王莽傳有障徼者曰邊郡二千石見送沈繹堂

明史地理志宜賓縣東南有黑水一名南廣溪青羌見

贈家侍御〔後漢書和帝紀〕永元十二年春二月旄牛

徼外白狼獠薄夷率種人內屬〔又郡國志〕蜀郡屬國有

旄牛周書韋孝寬傳先是路側一里置一土垠一統

志敘州府大江兩岸有大石屹立昔人因置鐵絙橫絕

其處控扼夷寇名曰鎖江後漢書桓譚傳察失而立防

盧僎詩去國三巴遠三國志王粲等傳親故多離其

災杜詩還家尚黑頭又颯颯鬢毛蒼

吾吳儒雅傾當代石田既沒風流

在待詔聲華晚更邁枝山放達長無害歲月悠悠習俗

非江鄉禮數歸時態縱有丹青老輩存故家興會知難

再京口千帆估客船金焦依舊青如黛巫峽巫山慘澹

風此州迢遞浮雲礙正使何人送別離登高腸斷烏蠻

塞衰白嗟余老秘書先人名德從頭載廢楮殘縑發浩

歌一天詩思江山外此段承上文而言俯仰今昔感懷情深自覺烟波無限京口千帆仍

貼定京江說巫峽烏蠻仍貼定送遠說故知好詩定不
在題外也○儒雅見觀王石谷畫風流聲華見送何
省齋正韻道健也晉書阮咸傳羣從昆弟莫不以放
達爲行楊子幼報孫會宗書豈習俗之移人哉江
鄉見圓圓曲禮數見蘆洲行鄭守愚詩時態懶隨人上
下老輩見題志衍畫興會見虎邱夜集圖王子安
滕王閣序盛筵難再岑參詩君行到京口韋應物詩
去遠千帆小估客見再觀打水金焦見贈蒼雪白詩
山名天竺堆青黛巫峽巫山見題志衍畫杜詩時危
慘澹來悲風迢遞見送何省齋烏蠻見贈文學博
衰白見壽龔芝麓唐國朝雜事帝曰虞世南在此行
秘書也晉書袁宏傳爲東征賦賦末列稱過江諸名
德陸璣詩疏幽州人謂之穀桑或曰楮桑荆揚交廣
謂之穀中州人謂之楮江南人積其皮以爲布又擣以
爲紙殘縑見王石谷歌浩歌見避亂李洞詩星河共
一天錢仲文詩詩思竹間得王元之黃岡竹樓記江山
之外但見風帆沙鳥烟雲竹樹而已

沈文長雨過福源寺

并序

余以巳亥春遊石公山宿文長山館丁未復至
石公水涸挾奇呈異遠過舊游將登歷而風雨
驟至竟覲面失之殊不及我故人之高談蕭寺

追敘夙昔也

福源寺見二十五日詩

巳亥順

蟋蟀盆歌

丁未見前

歐陽永叔秋聲賦如

風雨驟至

韻會小補

于君謂之覲于卿謂之

面

高談見哭志行

蕭寺見楚雨生序

昔年訪沈子石公山沒歸雲址今年遇沈公石公水落
盤龍宮沈公家在石公側白頭三見山根出而我分攜

將九載相看總老溪山改石公在望風雨作探得靈奇

復蕭索沈公蠟屐曉衝泥握手精藍話疇昨石公沈公

且別去明日回頭望山樹

昔年二句是已亥舊遊今年二句是文長過福源寺也沈

公二句是文長屢見石公之奇而我二句見與文長石公久別今乃相遇也在望二句點出題中雨字是現在

之雨蠟屐二句是題中過字結二句別山別友意境杳然無盡○歸雲洞見五言古盤龍見廿五日詩山

根見贈苑先分攜見贈願雲師相看見雁門尚書行蘇詩歸途風雨作高季迪詩靈奇務窮蒐蕭索

見哭志衍晉書阮孚傳正自蠟屐衝泥見送何省齋握手見六丘歌精藍見讚佛詩話疇昨見觀通天帖

曹詩山

樹鬱蒼蒼

昌黎母從子走者為誰一首以六句分三段為詩中創格此篇十四句亦每兩句作一小段惟石公在望

吳詩集

卷七下

七

以四句作一小段是梅村刻意學韓處非泛作狡獪也

秋日錫山謁家伯成明府臨別酬贈

大清一統志錫山在

慧山東古諺曰有錫爭無錫寧遂以名縣無錫縣在常州府東南九十里梅村雲起樓記侯諱興祚字伯成紹興之山陰人按沈歸愚師詩傳以伯成爲遼東清河人而梅村孟恭人墓表吳氏山陰大司馬之族世爲著姓後遷遼之清河八旗通志吳興祚漢軍正紅旗人任山西大寧縣再任江南無錫縣累陞至福建巡撫以功給世職拜他喇布勒哈番兼一等拖沙喇哈番陞兩廣總督一統志吳興祚康熙三年知無錫縣趙與昔賓退錄明府漢人以稱太守唐人以稱縣令按題用謁字其傾倒於伯成者至矣

吾家司馬山陰公子弟變化風雲中珣戈帶礪周京改

碣石關河禹穴通

起句言本與伯成同宗譜時代雖殊而支派相通也變化風雲用意周匝

伯成隸旗籍故云碣石禹穴耳

○明史吳兌傳字君澤

紹興山陰人嘉靖三十八年進士拜兵部尚書

唐太

宗詩琬戈夏服箭史記功臣年表序使黃河如帶泰山

如礪詩念彼周京

碣石見東萊行關河見避亂史記

太史公自敘

二十而遊江淮上會稽探禹

穴一統志會稽山在會稽縣東南十三里

泰伯城頭逢

季子登高極目霜楓紫七十烟巒笠澤圖三千歲月句

吳史遍觀易象與春秋魯頌唐風費攷求

攷同

縞帶贈

來同白壁干將鑄就勝純鈎

此段言在錫山與伯成相遇遊覽酌醉之盛也○一

統志泰伯城在無錫縣東南三十里季子見悲歌

楚

辭曰極千里兮傷春心謝靈運詩曉霜楓葉丹

烟鬟

七十二見退谷歌烟巒見廿五日詩笠澤見送何省齋

句吳兄京江送遠圖

左傳昭二年晉侯使韓宣子

來聘觀書於太史氏見易象與魯春秋曰周禮盡在魯矣

按魯頌唐風暗用左傳季子觀周樂事一統志吳

興祚順治十二年知大寧縣當流寇蹂躪後再期民多

復業唐風應指此當蹂躪後故云費攷求也

按魯頌字

伯成蓋遊歷山東者俟考

左傳襄二十九年季札聘

于鄭見子產如舊相識與之縞帶子產獻紵衣焉白璧

見行路難

干將見送何省齋越絕書客有能相

劍者名薛燭越王召而問之乃召掌者取純鉤

此中

盡說春申澗草荒幸舍飛鳬雁珠履何人解報恩蒯緱

枉自勤垂盼黃初才子好加餐季重翩翩畫省看早負

盛名游鄴下只今詩酒駐江干

此段言吳楚本好客之地盛事難追而伯成以

鴻才盛名獨重一時也

張如哉曰前四句俱就春申

說珠履本春申客事蒯緱句言有客如朱英其人者甚

難也垂盼本鄒陽傳按劍相盼語○陸鴻漸遊慧山記

望湖閣西有黃公澗者昔楚考烈王封春申黃歇于吳

之故墟卽此季頌詩故園寒草荒幸舍見楚雨生序

鳬雁見磬清湖珠履見送施愚山後漢書吳良傳報

恩之義莫大薦士史記孟嘗君傳馮先生甚貧猶有

一劍耳又蒯緱注蒯草名緱把劍之物言其劍無物可

裝但以蒯繩纏之黃初見送施愚山古詩努力加餐

飯季重翩翩見贈吳錦雲畫省見送沈釋堂盛名

見王郎曲又通雜體詩序關西鄴下旣已罕同一統志

鄴縣故城在彰德府臨漳縣西本齊桓公所築杜詩

漫勞車馬駐江干江干足比梁園勝追陪衰叟招枚乘八斗君

堪跨建安一編我尙慚長慶

此段完泰伯城頭一段意○梁園見後東臯草堂歌

追陪見讚佛詩漢書枚乘傳字叔淮陰人也梁客皆善屬詞賦乘又高釋常談謝靈運嘗曰天下才有一

石曹子建獨占八斗我得一斗天下共分一斗按建安

漢獻帝年號一編見讀西臺記唐書白居易傳贊居

易在元和長慶時與元剡山東望故人遙玉局金吾未

積俱有名最長於詩

吳詩集覽卷七下

寂寥汗簡舊開都護府蘭臺新插侍中貂

此段言山陰宗人文武皆

能自見因伯成而及之也○一統志剡山在紹興府嵊

縣治後采史蘇軾傳提舉玉局觀復朝奉郎金吾見

行路難寂寥見觀王石谷畫汗簡見茸城行都護見

行路難其十五蘭臺見送龔孝升漢書百官表注入

侍天子故曰侍中杜感君意氣從君飲燈火松窓安伏

詩總戎皆插侍中貂

枕數枝寒菊映琴心百斛清泉定茶品

此段完梁園追陪一段意○意

氣見蕩子行薩天錫詩松窗燈下火詩輾轉伏枕

駱賓王詩惟有寒潭菊黃庭經琴心三疊舞胎仙

李長吉詩鱸魚千頭酒百斛唐書陸龜蒙傳嗜茶張又

新為水說七種其二慧山泉陸魯望詩閑臨靜案修茶

品

歸家回首木蘭舟鐘鼓高城暮靄收最是九龍山下

水伴人離抱向東流

此段是臨別酌贈也○木蘭見虎邱夜集圖梁元帝詩却月隱高

城杜牧之詩暮靄生深樹九龍山見玉京墓李義山詩萬里縣離抱李詩請君試問東流水別意與之誰
長短

袁子才曰公晚年暮節與諸少年稱弟兄冀其解阮
湖州則交園次錫山則訪伯成筆墨請求金錢邀致
亦潦倒矣

題劉伴阮凌烟閣圖并序

唐閣立本十八學士圖相傳在兵科直房中余
官史局慈谿馮大司馬鄴仙時掌兵都垣嘗同
直禁中出而觀之吏啟篋未及展而馮以上命
宣召遽局鐫而去遂不果今相去三十年六科

廊燬於兵此圖不可問矣

高澹人詩更憶大梁劉主事淋漓墨瀋揮

琅玕自注劉主事伴阮于內殿畫竹阮紫坪曰伴阮名源工部郎閻立本見洗象圖注唐書

褚亮傳初武德四年太宗爲天策上將軍城西

作文學館收聘賢才於是下教以德行臺司勳

郎中杜如晦記室考功郎中房元齡及于志寧

軍諮祭酒蘇世長天策府記室薛收文學褚亮

姚思廉太學博士陸德明孔穎達王薄李元道

天策倉曹參軍事李守素王府記室參軍事虞

世南參軍事蔡允恭顏相時著作郎攝記室許

敬宗薛元敬太學助教蓋文達軍諮典簽蘇勛

並以本官爲學士七年收卒復召東虞州錄事

參軍劉孝孫補之命閻立本圖象使亮爲之贊

題名字爵里號十八學士藏之書府以章禮賢

之重方是時在選中者天下所慕向謂之登瀛

洲明史職官志六科置于午門外直房蒞事

張大岳集閻立本畫十八學士一卷于志寧贊

沈存中跋卷藏山西蒲州監生魏希古家嘉靖
癸卯甲辰間希古攜以游京師是時邊忠孔棘
希古因條陳邊事并以此卷封進意圖進用疏
入不省以其疏并卷俱發兵科此卷遂留藏科
房唐書劉知幾傳史局深籍禁門所以杜顏
面防請謁也明史馮元颺傳字爾孜慈溪人
帝曰大司馬缺久無踰卿者十六年五月以元
颺爲尚書又職官志掌科郎都給事中以掌本
科印故名按元颺傳授戶科給事中遷禮刑科
由戶科都給事中擢太常寺少卿不言其掌兵
垣也此序可補史缺局鑄見廿五日詩按王氏畫苑立本畫十八

學士又畫凌烟二十四功臣故兩圖並行凌烟

圖不著著其所繇失

程迓亭曰王弼州輯書苑
畫苑又彙各家類書爲彙

苑

本朝增改爲書畫譜

唐書秦瓊傳字叔

寶進封翼國公貞觀十三年改封胡國公後四

年詔司徒趙國公無忌司空河間王孝恭司空
萊國公如晦司空太子太師鄭國公徵司空梁
國公元齡開府儀同三司鄂國公敬德特進衛
國公靖特進宋國公瑀輔國大將軍褒國公志
元輔國大將軍夔國公宏基尚書左僕射蔣國
公通陝東道行臺右僕射鄖國公開山荊州都
督譙國公紹荊州都督邳國公順德洛州都督
鄖國公亮吏部尚書陳國公君集左驍衛大將
軍鄭國公公謹左領軍大將軍盧國公知節禮
部尚書永興郡公世南戶部尚書渝國公政會
戶部尚書莒國公儉兵部尚書英國公勣并叔
寶并圖形凌烟閣又藝文志閣立本畫秦府十
八學士圖凌烟閣
功臣二十四人圖 汴梁劉君伴阮天才超詣書

畫尤其所長自鍾王以下八分行草摹之無不
酷似山水雅擅諸家又出新意以繪人物如所

作凌烟功臣圖氣象髣髴衣裝瓌異雖立本復

出無以過焉

明史地理志開封府元汴梁路

遠知傳

辨論超詣

鍾王見永和宮詞

八分

見送沈

繹堂行草見觀通天帖

酷似見遇劉

雪舫

諸家見哭志衍

畫繼坡公跋宋子房

書謂不古不今稍出新意

後漢書樊仲華傳

聚衣裝道旁瓌

異見送何省齋

伴阮遊於方伯三韓佟公之門

暫留吾吳恨尙未識面間取是圖以想像其爲

人意必欽寄磊落有凌雲御風之氣余因是以

窺劉君之才服方伯之知人而深有感於余之

老不足追陪名輩也爲之歌曰

禮千里之外設方伯敎儁職官

志布政司古方伯為一州之表率後漢書光武

帝紀注辰韓弁韓馬韓謂之三韓國元史洪福

源傳子孫世貴于三韓天清一統志今朝

鮮之黃海道忠清道本古馬韓舊地全羅道本

弁韓地慶尙道本辰韓地梅村佟村劉淑人墓

誌子江南右方伯諱彭年方從政于吳杜詩

李邕求識面王子淵洞簫賦徒觀其旁山側

今則嶮嶽巋寄磊落見哭志衍凌雲見東萊

行莊子夫列子御風而行泠然善也追陪見

讚佛詩南史謝靈運傳既自以名輩應叅時

政此下二首

原目皆不載

大梁才子今劉生客游書畫傾公卿江南花發遇高會

油幢置酒羅羣英開君書堂拂素壁貞觀將相施丹青

長孫燕領肺腑戚集作肺附河間隆準天潢親鄂公衛公與

英國誰其匹者推秦瓊房杜勛魏彊諫元僚濟濟高
勲名二十四人半豐沛君王帶礪山河盟千載懸毫寫
生面雙眸顧盼關神明長弓大矢佩刀劍元袞赤舄垂
葱珩正視橫看斗奇絕一時車馬喧南城起四句點出
作畫之人與
看畫之地貞觀以下是凌烟閣圖也○史記魏世家惠
王三十一年徙治大梁左傳文十八年高陽氏有才子
八人梁元帝樂府游俠有劉生史記司馬相如傳因
病免客游梁隋書禮儀志二千石四品以上列侯皆
給輜車駕牛伏兔箱青油幢朱絲絡轂網皆黑漆置酒
見永和宮詞後漢書宦者傳論協羣英之勢力白詩
書堂對藥室素壁見西田詩貞觀見觀通天帖將相
見雁門尚書行丹青見西田詩舊唐書長孫無忌傳
字輔機河南洛陽人通悟有籌畧文德皇后卽其妹也
後漢書班超傳虎頭燕領肺腑見青門曲唐書宗室

傳河間元王孝恭少沉毅有識隆準見下相懷古史記

天官書王良旁有八星絕漢曰天潢唐書尉遲敬德

傳名恭以字行朔州人封吳國公後改封鄂國公又李

靖傳字藥師京兆三原人封永康縣公改衛國公又李

勣傳字懋功曹州離狐人本姓徐氏封萊國公徙封英

治并州又秦瓊傳齊州歷城人又房杜傳房元齡

字喬齊州臨淄人居宰相十五年杜如晦字克明京兆

杜陵人與元齡共筦朝政白詩樂天無怨嘆倚命不動

勣唐書魏徵傳字元成魏州曲城人每犯顏進諫疆諫

見東萊行南史庾杲之傳盛府元僚寔難其選詩濟

濟多士勣名見東萊行漢書淮南王傳高皇始于豐

沛一統志豐縣故城卽今徐州府豐縣治沛縣故城在

徐州府沛縣東帶礪見謁家明府生面見洗象圖

雙眸見玉京墓序顧盼見雁門尚書行世說王尚書

惠詣王右軍郗夫人問眼耳未覺惡不夫人時年九十

答曰髮白齒落屬乎形骸至于眼耳關于神明那可便

與人隔魏書奚康生傳蕭衍問康生能引彊弓力至

十餘石故特作大弓兩張送與康生其弓長八尺把中

圍尺二十箭麤殆如今之長笛

詩元衮赤舄又有瑯葱珩唐書五行志正視爲一色

旁視爲一色蘇詩橫看成嶺側成峯奇絕見琵琶行

陶詩而無

車馬喧余衰卧病滄江口忽地流傳入吾手絕數從

前翰墨家海內知名交八九慘澹相看識苦心殘縑零

落知何有技窮仙佛并侯王四十年來誰不朽此段是梅村見

圖而追憶畫苑諸友情見乎詞也孟詩北窓猶卧病

滄江見讀西臺記杜詩扁舟落吾手翰墨見

觀法帖三國志曹爽傳少以才秀知名八九見避亂

慘澹見洗象圖杜詩更覺良工心獨苦殘縑見送

遠圖歌零落見避亂技窮

見松鼠不朽見送杜敬武北有崔青蚓南有陳章侯

崔也餓死值喪亂維摩一卷兵間留含牙白象貝多樹

圖成還記通都求陳生落魄走酒肆好摹儻父屠沽流

笑償王媪錢十萬稗官戲墨行觥籌

此段承誰不朽說下而單抽出崔陳

兩人又歷舉崔陳所遇之窮反襯伴阮也○明詩綜陳洪綬字章侯諸暨人國子監生竹垞詩話章侯崇禎間與北平崔青蚓齊名號南陳北崔崔也餓死維摩并

見洗象圖兵間見青門曲

淮南子含牙戴角前爪後

距張平子西京賦白象行孕貝多樹見洗象圖

通都

見王郎曲

朱錫鬯陳洪綬傳既遭亂混迹浮屠自稱

老遲亦稱悔遲亦稱老蓮縱酒狎妓如故落魄見遇劉

雪舫杜詩酒肆人間世

倉父見二十五日詩屠沽見

茸城行

史記高祖紀常從王媪武負貫酒雲溪友議

于頔與戴符買山錢十萬

漢書藝文志小說謂之稗

說又稗官師古注小官也朱子詩餘事亦騷雅

戲墨仍風霜歐陽永叔醉翁亭記觥籌交錯

劉生三

十稱詞伯盛名緩帶通侯席埋沒休嗤此兩生古今多

少窮途客繁臺家在汴流平

繁音婆

老我相逢話鋒鏑剩

有關河出後生枉將兵火催衰白

此段言伴阮得佟公為知已較崔陳為幸

矣然畫乃不朽之業伴阮必不以窮途故嗤崔陳而梅

村亦以兵火之後再得伴阮為幸也○宋延清詩文乃

詞伯雄

盛名見王郎曲緩帶見送何省齋通侯見楚

兩生序

埋沒見行路難其六後漢書樊宏傳時人嗤

之兩生見讀史雜詩

窮途見行路難阮生注

繁臺

見行路難梁王臺注一統志汴河源出滎陽為蕩蕩渠

東流曰官渡水曰陰溝曰汧水曰浚儀渠其自大梁城

南分流者為鴻溝鴻溝南流兼沙水之目沙水支津又

為睢水渦水名雖不一寔則委別而源同也老我見

虞山圖歌

史記秦始皇紀銷鋒鏑鑄金人十二

關河

見避亂

兵火見遇南廂

園叟衰白見送何省齋君不見秘書高館羣儒修歐

虞褚薛題銀鈎朔州老將解兵柄折節愛與諸生游丈

夫遭際好文日布衣可以輕兜鍪似君才藻妙行草况

工絹素追營邱宅年供奉北門詔大官賜食千金裘

大音

泰 嗚呼石渠麟閣總天上凌烟圖罷圖瀛洲

此段是策勵伴阮意

而卽以凌烟兜鍪相比照點歸作畫如花片隨風縈拂

溪澗自然入妙也○西京賦匪惟翫好乃有秘書高館

見玉京墓更記武帝紀上爲封禪器示羣儒 歐虞見

汲古閣歌唐書褚遂良傳字登善博涉文史工隸楷又

薛稷傳虞世南褚遂良以書韻家稷外祖魏徵家多藏

虞褚書故銳精臨倣遂以書名天下銀鈞見九友歌

按史稱敬德晚節謝賓客不與通則非與諸生遊者也

張如哉曰蘇詩朔方老將風流在不取西番石堡城梅

村用此不必泥鄂公事一統志朔州在朔平府南二百

四十里老將見遇南廂園叟漢書袁盎傳絳侯爲太尉

本兵柄 戰國策主折節以下其臣史記秦始皇紀今

諸生不師今而學古 遭際見松山哀論衡世主好文

已爲文則遇

宋史楊揆傳信堯鑒不如毛錐子也

三國志王粲傳

阮籍才藻艷逸

絹素見送沈繹堂營

邱見九友歌

供奉見王郎曲舊唐書職官志翰林院

注乾封中劉裕之劉禕之兄弟周思茂元萬頃范履冰

皆以文詞召入待詔常於北門候進止時號北門學士

漢書百官公卿表注大官主膳食湯官主餅餌千金

裘見九友歌

後漢書章帝紀注石渠閣在未央殿北

漢書蘇武傳上思股肱之美廼圖畫其人於麒麟閣避

暑錄話顧瞻玉

堂如在天上

艮齋雜說昔人畫十八學士圖缺其一人識者曰必

許敬宗也劉伴阮畫凌烟功臣圖予亦欲去徐世勣

侯君集二人丹青

之筆豈無春秋乎

白燕吟

雲間白燕菴袁海叟丙舍在焉吾友單狷菴隱

居其傍鴻飛冥冥爲弋者所篡故作此吟以贈
之余年二十餘遇狷菴於陳徵君西泖山館有
歌者在席迴環昔夢因及其事狷菴解組歸田
遭逢多故視海叟之西臺謝病倒騎烏犍牛以
智僅免者均有牢落之感俾讀者前後相觀非
獨因物比興也

松江府志白燕菴在賢遊涇袁御史凱墓側里人以凱有白燕

詩築庵祀之遂以爲名

明詩綜袁凱字景文

松江華亭人洪武中徵拜御史以病免歸明史

藝文志袁凱海叟詩集四卷曝書亭集袁凱傳

常熟岑大本賦白燕詩爲楊維禎所稱凱見笑

曰未見體物之工也更賦一首維禎極賞之一

時流播人呼袁白燕竹垞詩話世傳海叟賦白

楊花有讒之者海叟聞之遂作狂徵典郡校不起對使者歌月兒高一曲是又河西傭補鍋匠之亞矣海叟居松江府治東門外崇禎末單麻城恂卽其址構白燕菴李舍人待問書聯于柱云春風燕子依然入大海鰻魚不可尋相傳孝陵有言東海走却大鰻魚何處尋得爲海叟而發也恂字狷菴庚辰進士以詩文名鍾元常有丙舍帖明詩綜單恂字質生松江華亭人崇禎庚辰進士麻城知縣有白燕庵詩集方言鴻飛冥冥弋人何篡焉陳徵君西柰山館見九峯草堂歌宋武帝詩思君如日月迴還晝夜生張平子思元賦發昔夢于木禾兮韋應物詩解組傲園林歸田見贈家侍御易豐多故演繁露唐都長安於洛陽爲西而洛陽亦有留臺故御史長安名西臺而洛陽爲東臺明史文苑傳凱工詩有盛名背戴烏巾倒騎黑牛游行九峯間好事者至繪爲圖左傳桓十八年人口祭仲以知免牢落見遇南廂園

叟

（周禮）太師教

六詩曰比日興

白燕菴頭晚照紅摧顏毛羽訴西風雖經社日重來到

終怯雕梁故壘空

起四句題面題意已都寫訖晚照則時已暮矣晚照猶紅蓋稱願之詞也

摧顏毛羽比猗菴為弋者所篡社日重到比猗菴之解

組歸田終怯雕梁比猗菴之遭逢多故然祇咏白燕已

是絕妙好辭梅村筆底有化工也○（杜詩）連山晚照紅

（古樂府）飛鵠行我欲負汝去毛羽何摧顏（禮）擇元

日命民社（文昌）禳錄燕以春社來秋社去謂之社燕

（王涯詩）燕語雕梁晚（唐無名氏詞）燕子還來尋舊壘

當年掠地爭飛俊垂楊拂處簾櫳映徵君席上點微波

雙棲有箇凝粧靚

此段是徵君山館歌者在席間與猗菴相逢之始也點染入妙○方雄飛

（詩）掠地斜飛上太虛（史邦卿詞）愛貼地爭飛競誇輕俊

簾櫳見松鼠

徵君見九峯草堂歌子建洛神賦託

微波而通詞秦少游詞燕尾點波綠皺沈雲卿詩海
燕雙栖玳瑁梁蘇叔黨詞畫欄十二有箇人同倚王少
伯詩春日凝粧上翠樓韓詩桃李晨粧靚趙家姊妹鬪嬋娟軟語輕身鬢影

偏錯信董君宅曰寵昭陽舞袖出尊前

此段為妬狎菴者作寫照然却

承凝粧句說下似以燕比妬者又似以歌者比妬者令
人不可思議○漢書外戚傳孝成趙皇后號飛燕有女
弟召入皇后寵少衰而弟絕幸為昭儀居昭陽舍姊弟
頗寵十餘年袁景文詩趙家姊妹多相妬莫向昭陽殿
裏飛按麗堂詩話作多相忌鬪嬋娟見宮扇史邦卿
詞又軟語商量不定太真外傳飛燕身輕欲不勝風李
長吉詩春風吹鬢影漢書東方朔傳于是董君貴寵
天下莫不聞按此詩借用董偃而寔用董賢事也明人
宮詞云昭陽昨夜誰承寵聞道金錢賜董賢
昭明太子詩舞袖寫春枝尊前見圓圓曲長安穠杏
翩躚好穿花捎蝶春風巧楚雨孤城儔侶稀歸心一片

江南草

長安穠杏舉進士矣楚雨孤城欲解組矣歸心江南已歸田矣○詩何彼穠矣張平子南都賦

蹴躡

躡躡

李義山越燕詩

盧家文杏好試近莫愁飛

杜詩

穿花蛺蝶深深見

又花安鶯捎蝶李致堯歸燕詩

衝人穿柳徑捎蝶遠花枝

王介甫詩不是春風巧何緣

有歲華

杜詩楚雨石苔滋

杜咏歸燕詩不獨避霜雪

其如儔侶稀

王正長詩

邊馬有歸心

王之

漁詩

一片孤城萬仞山

江南草見退谷歌注

縞素還家

念主人瓊樓珠箔已成塵

雪衣力盡藍田土

玉骨神傷

漢苑春

四句言歸田之時家國多故也妙從白字寫出

一筆作十百筆用斷非梅村不能○縞素見圓

圓曲張道濟詩常懷客鳥意會答主人恩

瓊樓見青

門曲李義山詩珠箔輕明拂玉墀

拾遺記見五岳再成

塵扶桑萬歲一枯其人視之如旦暮也

明皇雜錄開

元中嶺南獻白鸚鵡上及貴妃皆呼雪衣娘此借用張

如哉曰史記五宗世家臨江閔王榮坐侵廟壩垣爲宮

上徵榮榮詣中尉府簿中尉到都責訊王王恐自殺墓

藍田燕數萬銜土置冢上百姓憐之〔竹垞詩話〕水肌玉骨清無汗此詩為花藥夫人作〔張如哉曰漢書外戚傳〕

定陶丁姬哀帝母也為帝太后崩合葬恭皇陵哀帝崩王莽奏貶太后號曰丁姬復奏言丁姬棺名梓宮珠玉之衣非藩妾服請以木棺代去珠玉衣葬丁姬媵妾之次奏可掘平丁姬故冢莽又周棘其處以為世戒時有羣燕數千銜土投丁姬冢中〔晉陽秋〕荀粲婦病亡未殯粲不哭而神傷〔杜詩〕淒涼漢苑春〔按〕雪衣玉骨映合題中

白字

銜泥從此依林木窺簷詎肯樊籠辱高舉知無鴻

鵠心微生幸少鳥鳶肉

四句即序中鴻飛冥冥之意〔古詩〕思為雙飛燕銜泥巢君屋

魏文帝詩

林木有枝

〔梁簡文帝詩〕覓燕好窺簷樊籠

見圓圓曲

〔楚辭〕寧超然高舉以保貞乎鴻鵠高飛見

雒陽行

〔南史〕沈慶之傳微生

遇多幸鳥鳶見雁門尚書行探卵兒郎物命殘朱絲

繫足柘弓彈傷心早已巢君屋猶作徘徊怪鳥看

集作鳥非

四句卽序中爲弋者所篡意○按探卵兒郎反用魯恭事後漢書魯恭傳袁安使仁恕掾肥親往廉之恭隨

行阡陌俱坐桑下有雉過止其傍傍有童兒親曰兒何不捕之兒言雉方將雛親矍然起曰豎子有仁心兒郎

見咏山茶花

戰國策繫已以朱絲而見之也燕女墳

記姚玉京室有雙燕一爲鷺鳥所獲其一啾啾翔集玉

京之臂玉京以紅縷繫燕足明年縷如故古史考柘樹

枝長而勁鳥集之將飛柘起彈鳥鳥乃呼號因名鳥號

弓南部烟花記

陳宮人喜于春林放柘彈

朱慶餘詩

更無新燕來巢屋

張如哉曰晉書孫盛傳盛與桓溫

賤稱州遣從事觀採風聲進無威鳳來儀之美退無鷹

揚搏擊之用徘徊湘川將爲怪鳥爾雅注鳴江東呼爲

怪

鳥漫留指爪空迴顧差池下上秦淮路紫領關山夢怎

歸鳥衣門巷雛誰哺

四句是猶菴意中語紫領句悲家園鳥衣句思骨肉也○蘇詩泥上

偶然留指爪

詩燕燕于飛差池其羽又下上其音秦

淮見閬州行

陶隱居本草紫胸輕小者是越燕字典

怎字廣韻集韻皆未收惟韓孝彦五音集韻收之

劉

夢得詩朱雀橋邊野草花鳥衣巷口夕陽斜舊時王謝

堂前燕飛入尋常百姓家方輿覽勝鳥衣巷在秦淮南

去朱雀橋不遠王謝子弟所居一統志在上元縣東南

杜詩羣鳥至

頭白天涯脫網羅向人張口爲愁多啁啾

今爲哺雛

莫向斜陽語爲唱袁生一曲歌

四句是梅村意中語蓋古今才人往往以語言

得謗張口不如莫語爲狷菴獻三緘是作詩本意也頭

白斜陽與起處晚照相應結句點明作詩而引出袁生

仍不脫白燕菴意○王詩始覺殷王解網羅

晉書郭

文傳有猛獸忽張口向文白詩愁多常少眠

禮至于

燕雀猶有啁啾之頃焉注啁與啾同周美成詞燕子不

知何世人尋常巷陌人家相對如說興亡斜陽裏

應

休璉與曹長思畫幸有袁生時步玉趾溫飛

卿詩月照高樓一曲歌按一曲指月兒高

袁景文楊白花詩楊花白飛入深宮裏宛轉房櫳間

誰復能禁爾胡爲高飛渡江水江水在天涯楊花去

不歸安得楊花作楊樹種向深宮飛不去陳卧子云
感慨深長按梁書楊華少有勇力容貌雄偉魏太
后逼通之華懼及禍乃率其部曲降梁太后思之爲
作楊白花歌使宮人連臂蹋足歌之聲甚悽惋所謂
春去秋來雙燕子願銜楊花入
窠裏者也後人多有擬作之者

